



SLUŽBENI LIST

SOCIJALISTIČKE REPUBLIKE BOSNE I HERCEGOVINE

Godina XLIV — Broj 7

Ponedjeljak, 14. marta 1988.
SARAJEVO

Akontacija preplate
za 1988. godinu 28.800 dinara
Cijena ovom broju 700 dinara
Žiro-račun 10100-603-1396

69

Na osnovu člana 14. Zakona o izmjenama i dopunama Zakona o nostrifikaciji i ekvivalenciji inostranih školskih svjedočanstava (»Službeni list SRBiH«, broj 43/86) i člana 89. stav 1. alineja 4. Poslovnika Skupštine Socijalističke Republike Bosne i Hercegovine — Prečišćeni tekst (»Službeni list SRBiH«, broj 29/85), Zakonodavno-pravna komisija Skupštine Socijalističke Republike Bosne i Hercegovine, na sjednici od 17. februara 1988. godine, utvrdila je prečišćeni tekst Zakona o nostrifikaciji i ekvivalenciji inostranih školskih svjedočanstava.

Prečišćeni tekst Zakona o nostrifikaciji i ekvivalenciji inostranih školskih svjedočanstava obuhvata: Zakon o nostrifikaciji i ekvivalenciji inostranih školskih svjedočanstava (»Službeni list SRBiH«, broj 31/77) i Zakon o izmjenama i dopunama Zakona o nostrifikaciji i ekvivalenciji inostranih školskih svjedočanstava (»Službeni list SRBiH«, broj 43/86) u kojima je označen dan stupanja na snagu tih zakona.

Broj 307
9. marta 1988. godine
Sarajevo

Predsjednik
Zakonodavno-pravne
komisije
Skupštine SRBiH,
Josip Bukovac, s. r.

ZAKON

O NOSTRIFIKACIJI I EKVIVALENCIJI INOSTRANIH ŠKOLSKIH SVJEDOČANSTAVA (Prečišćeni tekst)

Član 1.

Svjedočanstva, diplome i druge javne isprave (u daljem tekstu: svjedočanstvo) o završenom odnosno započetom obrazovanju stečene u inostranstvu priznaju se u Socijalističkoj Republici Bosni i Hercegovini u skladu sa odredbama ovog zakona.

Član 2.

Nostrifikacijom se svjedočanstvu o završenom osnovnom, srednjem, višem i visokom obrazovanju i stručnom ili naučnom stepenu stečenom u inostranstvu priznaje ravnopravnost sa odgovarajućim svjedočanstvom odnosno diplomom stečenom u Socijalističkoj Republici Bosni i Hercegovini, kao i stručni naziv i druga prava koja to svjedočanstvo odnosno diploma daje.

Član 3.

Ekvivalencijom se svjedočanstvu o započetom obrazovanju u inostranstvu priznaje ravnopravnost sa odgovarajućim svjedočanstvom o završenim pojedinim razredima, godinama, semestrima i trimestrima ili položenim ispitima u Socijalističkoj Republici Bosni i Hercegovini, radi nastavljanja školovanja.

Član 4.

U skladu sa odredbama ovog zakona može se vršiti i nostrifikacija svjedočanstava o stručnoj osposobljenosti za određenog zanimanje.

Član 5.

Nostrifikacija odnosno ekvivalencija svjedočanstva vrši se na zahtjev državljanina Socijalističke Federativne Republike Jugoslavije, kao i stranih državljanina odnosno lica bez državljanstva koji za to imaju pravni interes u Socijalističkoj Federativnoj Republici Jugoslaviji.

Član 6.

Nostrifikaciju i ekvivalenciju svjedočanstva o završenom osnovnom i srednjem obrazovanju odnosno o završenim pojedinim razredima, kao i o stručnoj osposobljenosti za određene poslove ili zanimanja vrši Republički komitet za obrazovanje, nauku, kulturu i fizičku kulturu (u daljem tekstu: Republički komitet).

Nostrifikaciju i ekvivalenciju svjedočanstva o višem i visokom obrazovanju, stručnom i naučnom ste-

penu, kao i o završenim pojedinim godinama, semestrima, trimestrima ili položenim ispitima vrši odgovarajuća viša škola, fakultet ili umjetnička akademija (u daljem tekstu: visokoškolska organizacija), a ako takve nema, srodna visokoškolska organizacija.

Odgovarajućom visokoškolskom organizacijom, u smislu prethodnog stava, smatra se ona visokoškolska organizacija u kojoj se stiče viša ili visoka stručna sprema, stručni ili naučni stepen iz oblasti odnosno discipline u kojoj je svjedočanstvo stečeno u inostranstvu.

Član 7.

Ako u postupku nostrifikacije odnosno ekvivalencije visokoškolska organizacija kojoj je podnesen zahtjev za nostrifikaciju odnosno ekvivalenciju utvrdi da u Socijalističkoj Federativnoj Republici Jugoslaviji nema odgovarajuće odnosno srodne visokoškolske organizacije, nostrifikaciju odnosno ekvivalenciju svjedočanstva vrši posebna stručna komisija koju imenuje univerzitet.

Član 8.

Za vršenje nostrifikacije i ekvivalencije svjedočanstva Republički komitet obrazuje stručnu komisiju od najmanje pet članova.

Republički komitet donosi rješenje o nostrifikaciji odnosno ekvivalenciji svjedočanstva na prijedlog komisije iz prethodnog stava.

Član 9.

Visokoškolske organizacije i univerziteti utvrđuju svojim samoupravnim opštim aktima postupak i način vršenja nostrifikacije i ekvivalencije svjedočanstva u skladu sa ovim zakonom.

Član 10.

Uz zahtjev za nostrifikaciju odnosno ekvivalenciju svjedočanstva prilaže se:

— svjedočanstvo o obrazovanju u inostranstvu, i to u originalu ili duplikat odnosno svaki drugi primjerak koji u potpunosti zamjenjuje original u skladu sa propisima zemlje u kojoj je izdato svjedočanstvo,

— ovjeren prevod na srpskohrvatski, odnosno hrvatskosrpski jezik svjedočanstva o obrazovanju u inostranstvu (u tri primjerka) i

— svjedočanstvo o obrazovanju u Socijalističkoj Federativnoj Republici Jugoslaviji prije obrazovanja u inostranstvu.

U zahtjevu za nostrifikaciju odnosno ekvivalenciju svjedočanstva navodi se da li je isti zahtjev već podnesen drugom organu ili organizaciji u Socijalističkoj Federativnoj Republici Jugoslaviji.

Organ odnosno organizacija koja vrši nostrifikaciju, odnosno ekvivalenciju može, po potrebi, tražiti i druga dokumenta i podatke o obrazovanju.

Član 11.

U postupku nostrifikacije i ekvivalencije uzima se u obzir sistem obrazovanja u zemlji u kojoj je svjedočanstvo stečeno, nastavni plan i program obrazovanja, uslovi prijema na obrazovanje, trajanje obrazovanja, prava koja daje svjedočanstvo u zemlji u kojoj je stečeno, kao i druge okolnosti od značaja za nostrifikaciju odnosno ekvivalenciju.

Član 12.

Organ odnosno organizacija koja vrši nostrifikaciju i ekvivalenciju svjedočanstva dužan je da se pridržava međudržavnih sporazuma o priznavanju svjedočanstava, čiji je potpisnik Socijalistička Federativna Republika Jugoslavija, kao i dogovora socijalističkih republika i socijalističkih autonomnih pokrajina koji se odnose na pitanja nostrifikacije i ekvivalencije inostranih svjedočanstava.

Član 13.

Ako se u postupku nostrifikacije odnosno ekvivalencije utvrdi da nastavni plan i program obrazovanja završenog u inostranstvu znatnije odstupa od nastavnog plana i programa odgovarajućeg obrazovanja u Socijalističkoj Republici Bosni i Hercegovini, rješenjem o nostrifikaciji odnosno ekvivalenciji utvrđuje se obaveza polaganja dopunskih ispita ili izrade određenih radova.

Nostrifikacija odnosno ekvivalencija svjedočanstva o stručnom ili naučnom stepenu može se vršiti ako se utvrdi da uslovi za sticanje tih stepena u inostranstvu odgovaraju uslovima propisanim za sticanje odgovarajućeg stručnog ili naučnog stepena u Socijalističkoj Republici Bosni i Hercegovini.

Član 14.

Sadržaj rješenja o nostrifikaciji odnosno ekvivalenciji može se ispisati na poledini originalnog svjedočanstva i ovjerenih prevoda (klauzula o nostrifikaciji odnosno ekvivalenciji).

Originalno svjedočanstvo i jednu kopiju originalnog svjedočanstva sa jednim primjerkom ovjerenog prevoda daju se licu koje je zahtijevalo nostrifikaciju odnosno ekvivalenciju, a jednu kopiju originalnog svjedočanstva sa jednim primjerkom ovjerenog prevoda zadržava organ odnosno organizacija koja je izvršila nostrifikaciju odnosno ekvivalenciju.

Kada nostrifikaciju odnosno ekvivalenciju izvrši visokoškolska organizacija ili univerzitet, jednu kopiju originalnog svjedočanstva sa jednim primjerkom prevoda na srpskohrvatskom odnosno hrvatskosrpskom jeziku i kopijom rješenja o nostrifikaciji odnosno ekvivalenciji dostavlja Republičkom komitetu, u roku od 15 dana od dana donošenja rješenja.

Član 15.

Visokoškolska organizacija i univerzitet dužni su da završe postupak nostrifikacije odnosno ekvivalencije najkasnije u roku od 60 dana od dana podnošenja zahtjeva.

U postupku nostrifikacije i ekvivalencije visokoškolska organizacija odnosno univerzitet sarađuje sa Republičkim komitetom i sa odgovarajućim visokoškolskim organizacijama i univerzitetima u Socijalističkoj Republici Bosni i Hercegovini i Socijalističkoj Federativnoj Republici Jugoslaviji.

Član 16.

Licu koje je podnijelo zahtjev za nostrifikaciju odnosno ekvivalenciju izdaje se o tome potvrda u slučaju kada se postupak nostrifikacije odnosno ekvivalencije ne može okončati prije isteka roka za podnošenje prijave na konkurs za nastavak obrazovanja.

Potvrda iz prethodnog stava služi za podnošenje prijave na konkurs odnosno za uslovan upis i ima ograničenu važnost trajanja, dok organ ili organizacija koja vrši nostrifikaciju ili ekvivalenciju ne donese odgovarajuće rješenje.

Član 17.

Svjedočanstvo čija je nostrifikacija izvršena na teritoriji druge socijalističke republike odnosno socijalističke autonomne pokrajine ima istu vrijednost i na teritoriji Socijalističke Republike Bosne i Hercegovine.

Član 18.

Visokoškolska organizacija ili komisija iz člana 7. ovog zakona koja donese negativno rješenje o nostrifikaciji odnosno ekvivalenciji obavještava o tome Republički komitet.

Republički komitet obavještava organe uprave nadležne za poslove obrazovanja u drugim socijalističkim republikama i socijalističkim autonomnim pokrajinama o negativnim rješenjima o nostrifikaciji odnosno ekvivalenciji inostranih svjedočanstava donesenim u Socijalističkoj Republici Bosni i Hercegovini.

Republički komitet obavještava visokoškolske organizacije i univerzitet o negativnim rješenjima o nostrifikaciji i ekvivalenciji koja su donesena u drugim socijalističkim republikama i socijalističkim autonomnim pokrajinama.

Član 19.

Protiv rješenja o nostrifikaciji svjedočanstava o višem ili visokom obrazovanju, stručnom ili naučnom stepenu može se izjaviti žalba Republičkom komitetu. Rješenje Republičkog komiteta je konačno.

Član 20.

U postupku rješavanja nostrifikacije i ekvivalencije primjenjuju se odredbe Zakona o opštem upravnom postupku, ako ovim zakonom nije drukčije određeno.

Član 21.

Republički komitet, visokoškolske organizacije i univerziteti dužni su čuvati dokumentaciju i voditi evidenciju o nostrifikaciji i ekvivalenciji inostranih svjedočanstava.

Predsjednik Republičkog komiteta za obrazovanje, nauku, kulturu i fizičku kulturu, donijeće bliže propise o čuvanju dokumentacije i vođenju evidencije o nostrifikaciji i ekvivalenciji inostranih svjedočanstava u roku od šest mjeseci od dana stupanja na snagu Zakona o nostrifikaciji i ekvivalenciji inostranih školskih svjedočanstava (»Službeni list SRBiH«, broj 31/77).

Član 22.

Visokoškolske organizacije i univerziteti dužni su da usklade svoje samoupravne opšte akte sa odredbama Zakona o izmjenama i dopunama Zakona o nostrifikaciji i ekvivalenciji inostranih školskih svjedočanstava (»Službeni list SRBiH«, broj 43/86), u roku od šest mjeseci od dana njegovog stupanja na snagu.

Član 23.

Danom stupanja na snagu Zakona o nostrifikaciji i ekvivalenciji inostranih školskih svjedočanstava (»Službeni list SRBiH«, broj 31/77) prestaje da važi Zakon o nostrifikaciji i ekvivalenciji školskih svjedočanstava stečenih u inostranstvu (»Službeni list SRBiH«, broj 34/72).

70

Na osnovu člana 396. stav 3, člana 397. stav 3. i člana 400. stav 3. Zakona o opštenarodnoj odbrani (»Službeni list SRBiH«, br. 3/84 i 17/87) Izvršno vijeće Skupštine Socijalističke Republike Bosne i Hercegovine, donosi

UREDBU

O IZMJENAMA UREDBE O NAKNADAMA LIČNOG DOHOTKA I DRUGIM NOVČANIM NAKNADAMA LICIMA POZVANIM RADI VRŠENJA SLUŽBE U OPŠTENARODNOJ ODBRANI

Član 1.

U Uredbi o naknadama ličnog dohotka i drugim novčanim naknadama licima pozvanim radi vršenja službe u opštenarodnoj odbrani (»Službeni list SRBiH«, br. 10/85, 35/85, 6/86, 37/86, 13/87 i 42/87) u članu 19. stav 1. u tački 1. broj »7.000« zamjenjuje se brojem »10.000«, a u tački 2. broj »4.200« zamjenjuje se brojem »6.000«.

Član 2.

Ova uredba stupa na snagu narednog dana od dana objavljivanja u »Službenom listu SRBiH«.

I. V. broj 36

10. marta 1988. godine
SarajevoPotpredsjednik
Izvršnog vijeća,

Muhamed Berberović, s. r.

71

Na osnovu tačke IV stav 2. podtačke 5. Odluke o kreditnoj politici u 1988. godini (»Službeni list SRBiH«, broj 1/88), Izvršno vijeće Skupštine Socijalističke Republike Bosne i Hercegovine, donosi

ODLUKU

O KRITERIJIMA ZA ODobrAVANJE KREDITA IZ NOVČANIH SREDSTAVA DEPOZITA DRUŠTVENO-POLITIČKIH ZAJEDNICA ZA FINANSIJSKU KONSOLIDACIJU ORGANIZACIJA UDRUŽENOG RADA I BANAKA I ODRŽAVANJE TEKUĆE LIKVIDNOSTI BANAKA

I

Narodna banka Bosne i Hercegovine (u daljem tekstu: Narodna banka), će u 1988. godini iz novčanih sredstava depozita društveno-političkih zajednica odobravati kratkoročne kredite osnovnim i udruženim bankama (u daljem tekstu: banke) za finansijsku konsolidaciju organizacija udruženog rada i banaka i za održavanje tekuće likvidnosti banaka.

II

Za finansijsku konsolidaciju organizacija udruženog rada u privredi, koje su Odlukom o Jedinstvenoj klasifikaciji djelatnosti (»Službeni list SFRJ«, br. 34/76, 62/77, 72/80, 77/82, 71/83, 64/84, 76/85, 28/86 i 72/86) razvrstane u oblasti od 01 do 06, banke mogu koristiti kredite iz novčanih sredstava depozita društveno-političkih zajednica na osnovu kredita datih organizacijama udruženog rada za finansijsku konsolidaciju u

skladu sa Zakonom o sanaciji i prestanku organizacija udruženog rada, i to u visini do:

— 30% od iznosa datog kredita, pod uslovom da organizacija udruženog rada u ukupnim sredstvima koja su potrebna za finansijsku konsolidaciju obezbjeđuje najmanje 30% sopstvenih sredstava;

— 20% od iznosa datog kredita, pod uslovom da organizacija udruženog rada u ukupnim sredstvima koja su potrebna za finansijsku konsolidaciju obezbjeđuje najmanje 15% sopstvenih sredstava;

— 10% od iznosa datog kredita, pod uslovom da organizacija udruženog rada u ukupnim sredstvima koja su potrebna za finansijsku konsolidaciju obezbjeđuje manje od 15% sopstvenih sredstava.

Sopstvenim sredstvima, u smislu ove odluke, pored sredstava amortizacije i akumulacije, smatraju se i sredstva obezbijeđena učešćem radne, odnosno složene organizacije u čijem je sastavu organizacija udruženog rada.

III

Izuzetno, Narodna banka će odobriti kredite bankama do iznosa od 12.000 miliona dinara za finansijsku konsolidaciju i to:

— Složenoj organizaciji udruženog rada »Putevi BiH« — Sarajevo, do iznosa od 2.000 miliona dinara i rokom vraćanja do tri mjeseca i

— organizacijama udruženog rada koje vrše namjensku proizvodnju u iznosu od 10.000 miliona dinara, sa rokom vraćanja do 12 mjeseci i mogućnošću obnavljanja.

IV

Kredit za održavanje tekuće likvidnosti banke može se koristiti najduže 15 radnih dana u toku kalendarskog mjeseca i to u visini do 3.000 miliona dinara.

Narodna banka može, za namjene iz prethodnog stava, odobravati kredite najviše do iznosa ukupno upisanih blagajničkih zapisa svih banaka u Republici.

Kredit za finansijsku konsolidaciju banaka odobravaće se pod uslovima utvrđenim u tački II ove odluke.

V

Narodna banka će, po isteku svakog tromjesečja, informisati Izvršno vijeće Skupštine Socijalističke Republike Bosne i Hercegovine o sprovođenju ove odluke.

VI

Ova odluka stupa na snagu osmog dana od dana objavljivanja u »Službenom listu SRBiH«.

I. V. broj 34 Potpredsjednik
10. marta 1988. godine Izvršnog vijeća,
Sarajevo Muhamed Berberović, s. r.

72

Na osnovu člana 12. stav 2. Zakona o izvršenju budžeta Socijalističke Republike Bosne i Hercegovine za 1988. godinu (»Službeni list SRBiH«, broj 1/88). Izvršno vijeće Skupštine Socijalističke Republike Bosne i Hercegovine, donosi

ODLUKU

O KORIŠTENJU SREDSTAVA NAMIJENJENIH ZA UNAPREĐENJE POLJOPRIVREDE U 1988. GODINI

I

Sredstva predviđena u razdjelu 12 pozicija 291 Budžeta Socijalističke Republike Bosne i Hercegovine

za 1988. godinu (u daljem tekstu: sredstva) koriste se na način i pod uslovima utvrđenim ovom odlukom.

II

Sredstva se mogu davati organizacijama udruženog rada i drugim samoupravnim organizacijama i zajednicama u oblasti poljoprivrede (u daljem tekstu: korisnici) u skladu sa Društvenim planom Socijalističke Republike Bosne i Hercegovine za period od 1986. do 1990. godine, za povećanje proizvodnje žitarica, industrijskog, povrtnog i krmnog bilja, voća, mesa, mlijeka, za održavanje takmičenja za visoke prinose u poljoprivredi i za druge namjene kojima se podstiče razvoj poljoprivrede, a posebno primjena naučnih i stručnih saznanja u oblasti primarne poljoprivredne proizvodnje.

III

Sredstva se daju na pismeni zahtjev korisnika. Uz zahtjev iz prethodnog stava korisnik prilaže detaljan stručni program izvođenja radova za svaki zadatak (u daljem tekstu: stručni program) kojim se kompleksno obuhvataju tehničko-tehnološka i ekonomska pitanja i problemi unapređenja poljoprivrede, odnosno pojedine grane (stočarstvo, ratarstvo, voćarstvo i dr) od značaja za razvitak poljoprivrede u Socijalističkoj Republici Bosni i Hercegovini (u daljem tekstu: Republika).

IV

Sredstva se daju korisniku na osnovu pismenog ugovora, odnosno na osnovu rješenja ukoliko se vrši finansiranje radova za koje nije potreban ugovor.

Ugovor se zaključuje između Republičkog komiteta za poljoprivredu, šumarstvo i vodoprivredu (u daljem tekstu: nosilac sredstava) i korisnika.

V

Ugovor iz prethodne tačke sadrži naročito: naziv zadatka, uslove davanja i korišćenja sredstava, obim, mjesto i rokove izvršenja radova, podatke o izvođačima radova, rokove podnošenja izvještaja, pravo nosioca sredstava da vrši kontrolu kvalitetnog izvođenja radova i da obustavi isplatu sredstava, ako se utvrdi da korisnik ne izvodi radove prema ugovorenom kvalitetu i kvantitetu i prema utvrđenim rokovima, kao i obavezu korisnika da će rezultate i postignuta iskustva staviti bez naknade na raspolaganje nosiocu sredstava i zainteresovanim organizacijama udruženog rada i drugim samoupravnim organizacijama i zajednicama, ukoliko drukčije nije ugovoreno.

Ugovoru se prilaže stručni program koji je sastavni dio ugovora.

VI

Sredstva se odobravaju korisniku pod uslovom da obezbijedi učešće (participaciju) u ukupnim sredstvima potrebnim za izvršenje ugovorenog zadatka, a koriste se na osnovu dokaza da je učešće korisnika stvarno i obezbijeđeno. Visina učešća ne može biti manja od 50% od ukupnih sredstava.

Izuzetno, pojedine mjere i akcije mogu se finansirati u cijelosti bez obezbijeđenja učešća i to samo u slučajevima ako su te mjere i akcije značajne za unapređenje poljoprivrede u Republici, a za njih nisu neposredno zainteresovane organizacije udruženog rada i druge samoupravne organizacije i zajednice.

VII

Isplata sredstava vrši se u vidu avansa, s tim što se isplata ukupnog ugovorenog iznosa mora izvršiti najkasnije do 25. decembra 1988. godine.

VIII

Korisnik je dužan da nosiocu sredstava podnese stručni izvještaj o izvršenim radovima, u roku i na način koji su predviđeni ugovorom.

IX

U slučaju da korisnik ne može izvršiti sve radove u ugovorenom roku, iz objektivnih razloga, dužan je o tome obavijestiti nosioca sredstava i tražiti produženje roka za izvršenje radova.

X

Ako korisnik ne izvrši ugovorene radove kvalitetno i u ugovorenom roku, dužan je primljena sredstva vratiti nosiocu sredstava.

XI

Ova odluka stupa na snagu osmog dana od dana objavljivanja u »Službenom listu SRBiH«.

I. V. broj 35
10. marta 1988. godine
Sarajevo

Potpredsjednik
Izvršnog vijeća,
Muhamed Berberović, s. r.

73

Na osnovu čl. 3. i 5. Dogovora o načinu objavljivanja propisa o porezima i doprinosima iz dohotka osnovnih organizacija udruženog rada i ličnih dohodaka, odnosno prihoda radnika i građana (»Službeni list SRBiH«, broj 15/76), Republički sekretarijat za finansije, objavljuje

IZVODE

IZMJENA IZ ODLUKA SKUPŠTINA OPŠTINA I SKUPŠTINA SAMOUPRAVNIH INTERESNIH ZAJEDNICA O STOPAMA POREZA I DOPRINOSA IZ LIČNOG DOHOTKA IZ RADNOG ODNOSA PO OPŠTINAMA

U izvodima iz odluka skupština opština i skupština samoupravnih interesnih zajednica o stopama poreza i doprinosa iz ličnog dohotka iz radnog odnosa po opštinama (»Službeni list SRBiH«, br. 4/88, 5/88 i 6/88), vrše se sljedeće izmjene:

Redni broj	OPŠTINA	Porez %	Doprinosi za %				Zbirna stopa %
			kulturu	fizičku kulturu	socijalnu zaštitu	dječiju zaštitu	
1	2	3	4	5	6	7	8
51.	Kotor Varoš	1,80	0,12	0,13	0,65	0,18	2,88
70.	Olovo	1,70	0,25	0,37	0,19		2,51
73.	Posušje	—	0,20	0,20	0,65	0,35	1,40
108.	Žepče	2,22	0,20	0,30	0,56		3,28

Broj 02-021-17
16. marta 1988. godine
Sarajevo

Republički sekretar,
dr Mirko Puljić, s. r.

Samoupravna interesna zajednica zdravstvene zaštite BiH

Na osnovu člana 125. Ustava SRBiH, člana 560. st. 1. i 2. Zakona o udruženom radu — Prečišćeni tekst (»Službeni list SFRJ«, broj 11/88), a u skladu sa odredbama člana 102. Zakona o zdravstvenoj zaštiti (»Službeni list SRBiH«, broj 18/86), Samoupravna interesna zajednica zdravstvene zaštite Bosne i Hercegovine i Samoupravna interesna zajednica za zapošljavanje Bosne i Hercegovine, zaključuju

SAMOUPRAVNI SPORAZUM

O OSNOVICI, VISINI, NAČINU OBRAČUNA I ROKOVIMA UPLATE SREDSTAVA DOPRINOSA ZA ZDRAVSTVENU ZAŠTITU PRIVREMENO NEZAPOSLENIH LICA

Član 1.

Samoupravna interesna zajednica zdravstvene zaštite Bosne i Hercegovine i Samoupravna interesna zajednica za zapošljavanje Bosne i Hercegovine (u daljem tekstu: učesnici Sporazuma), ovim sporazumom utvrđuju osnovicu, visinu, način obračuna i rokove uplate sredstava doprinosa za zdravstvenu zaštitu privremeno nezaposlenih lica, dok su redovno prijavljena kod Samoupravne interesne zajednice za zapošljavanje Bosne i Hercegovine (u daljem tekstu: Zajednica za zapošljavanje) i lica koja se nalaze na stručnom osposobljavanju ili prekvalifikaciji koje organizuje Zajednica za zapošljavanje, saglasno Zakonu o zdravstvenoj zaštiti.

Član 2.

Učesnici Sporazuma saglasni su da Zajednica za zapošljavanje na ime sredstava doprinosa za zdravstvenu zaštitu lica iz prethodnog člana, obračunava, i to:

- za privremeno nezaposlena lica dok se redovno javljaju Zajednici za zapošljavanje, po stopi od 1% od prosječnog čistog ličnog dohotka ostvarenog u Socijalističkoj Republici Bosni i Hercegovini (u daljem tekstu: Republika) u prethodnoj godini,
- za slučaj povrede na radu i za slučaj oboljenja od profesionalne bolesti, lica koja se nalaze na stručnom osposobljavanju ili prekvalifikaciji koje organizuje Zajednica za zapošljavanje, po stopi od 0,5% od prosječnog čistog ličnog dohotka ostvarenog u Republici u prethodnoj godini.

Obračun i uplatu sredstava doprinosa iz prethodnog stava Zajednica za zapošljavanje će vršiti preko svojih osnovnih zajednica u korist samoupravnih interesnih zajednica zdravstvene zaštite Banja Luka, Bihać, Bosanski Brod, Dobo, Konjic, Mostar, Livno, Prijedor, Sarajevo, Trebinje, Tuzla i Zenica (u daljem tekstu: zajednica zdravstvene zaštite) za privremeno nezaposlena lica prijavljena na zdravstvenu zaštitu kod tih zajednica.

Prijavu na zdravstvenu zaštitu privremeno nezaposlenih lica, saglasno opštim propisima, vrši Zajednica za zapošljavanje preko svojih osnovnih zajednica.

Član 3.

Zajednica za zapošljavanje, preko svojih osnovnih zajednica, za lica iz člana 1. ovog sporazuma, obračunava i uplaćuje sredstva doprinosa Samoupravnoj interesnoj zajednici zdravstvene zaštite Bosne i Hercegovine (u daljem tekstu: Republička zajednica) u visini od 0,2% od prosječno ostvarenog čistog li-

čnog dohotka ostvarenog u Republici u prethodnoj godini.

Član 4.

Učesnici Sporazuma su saglasni da se obračun i isplata sredstava doprinosa iz čl. 2. i 3. ovog sporazuma vrši redovno svakog mjeseca unazad i to do 10. u mjesecu za protekli mjesec.

Član 5.

Republička zajednica i zajednica zdravstvene zaštite zadržavaju pravo pregleda evidencija osiguranih — privremeno nezaposlenih lica, radi kontrole obračuna i plaćanja sredstava doprinosa za zdravstvenu zaštitu, u skladu sa ovim sporazumom.

Član 6.

Republička zajednica i zajednica zdravstvene zaštite su obavezne da usklade svoje odluke o stopama doprinosa za zdravstvenu zaštitu sa odredbama ovog sporazuma.

Član 7.

Inicijativu za izmjene i dopune ovog sporazuma može dati svaki učesnik Sporazuma.

Član 8.

Ovaj sporazum smatra se zaključenim kada ga u istovjetnom tekstu prihvate nadležni organi učesnika Sporazuma i potpišu ovlašteni predstavnici učesnika Sporazuma.

Član 9.

Ovaj sporazum stupa na snagu narednog dana od dana objavljivanja u »Službenom listu SRBiH«, a primjenjivaće se od 1. januara 1988. godine.

Broj 01-12-9/88

25. februara 1988. godine
Sarajevo

UČESNICI SPORAZUMA:

Samoupravna interesna Samoupravna interesna
zajednica zdravstvene zajednica za zapošljavanje
zaštite Bosne i Hercegovine Bosne i Hercegovine

~~~~~

### Samoupravna interesna zajednica penzijskog i invalidskog osiguranja BiH

Na osnovu člana 2. Odluke o usklađivanju novčanih naknada osiguranika sa preostalom radnom sposobnošću (»Službeni list SRBiH«, broj 3/88), Izvršni odbor Skupštine Samoupravne interesne zajednice penzijskog i invalidskog osiguranja Bosne i Hercegovine, na sjednici od 15. februara 1988. godine, donosi

## ZAKLJUČAK

### O USKLAĐIVANJU NOVČANIH NAKNADA OSIGURANIKA SA PREOSTALOM RADNOM SPOSOBNOŠĆU SA KRETANJEM LIČNIH DOHODAKA U 1987. GODINI

#### I

Novčane naknade za vrijeme čekanja na raspored na druge odgovarajuće poslove, odnosno radne za-

datke, novčane naknade za vrijeme čekanja na odgovarajuće zapošljenje i novčane naknade za vrijeme čekanja i vršenja prekvalifikacije odnosno dokvalifikacije (u daljem tekstu: novčane naknade za osiguranike iz člana 23. stav 1. Statuta Samoupravne interesne zajednice penzijskog i invalidskog osiguranja Bosne i Hercegovine, usklađuju se sa kretanjem ličnih dohodaka svih radnika zaposlenih u Socijalističkoj Republici Bosni i Hercegovini u 1987. godini u odnosu na 1986. godinu, i povećavaju za 97,2% počev od 23. jula 1987. godine.

Povećanje iz prethodnog stava primjenjuje se na iznos novčane naknade koja korisniku pripada na dan 23. jula 1987. godine.

#### II

Pravo na povećanje po ovom zaključku ne pripada korisnicima novčanih naknada kojima je osnov za utvrđivanje novčane naknade valorizacijom doveden na nivo ličnih dohodaka u 1987. godini.

#### III

Povećanje novčanih naknada po ovom zaključku izvršice se po službenoj dužnosti, bez donošenja rješenja.

#### IV

Ovaj zaključak stupa na snagu narednog dana od dana objavljivanja u »Službenom listu SRBiH«.

Broj SZ-21/88

15. februara 1988. godine  
Sarajevo

Predsjednik,  
Miroslav Dodik, s. r.

~~~~~

Na osnovu člana 2. stav 1. Odluke o usklađivanju penzija sa kretanjem nominalnih ličnih dohodaka (»Službeni list SRBiH«, broj 24/86) i člana 2. Odluke o usklađivanju novčanih naknada osiguranika sa preostalom radnom sposobnošću (»Službeni list SRBiH«, broj 3/88), Izvršni odbor Skupštine Samoupravne interesne zajednice penzijskog i invalidskog osiguranja Bosne i Hercegovine, na sjednici od 15. februara 1988. godine, donosi

ZAKLJUČAK

O USKLAĐIVANJU PENZIJA I NOVČANIH NAKNADA OSIGURANIKA SA PREOSTALOM RADNOM SPOSOBNOŠĆU PO OSNOVU KRETANJA LIČNIH DOHODAKA U 1988. GODINI

I

1. Starosne, invalidske i porodične penzije (u daljem tekstu: penzije) i novčane naknade po osnovu preostale radne sposobnosti za osiguranike iz člana 23. stav 1. Statuta Samoupravne interesne zajednice penzijskog i invalidskog osiguranja Bosne i Hercegovine (u daljem tekstu: novčane naknade) usklađuju se po osnovu kretanja ličnih dohodaka svih radnika zaposlenih u Socijalističkoj Republici Bosni i Hercegovini (u daljem tekstu: lični dohoci) u 1988. godini u odnosu na 1987. godinu i povećavaju za 30%, počev od 1. januara 1988. godine.

2. Povećanje iz prethodne tačke, primjenjuje se na iznos penzije nakon povećanja penzije od 3,13%, po Zaključku o usklađivanju penzija sa kretanjem

ličnih dohodaka u 1987. godini (»Službeni list SRBiH«, broj 7/88).

3. Povećanje iz tačke 1. ovog zaključka, za korisnike novčane naknade, primjenjuje se na iznos novčane naknade koja korisniku pripada nakon povećanja novčane naknade od 97,2% po Zaključku o usklađivanju novčanih naknada osiguranika sa preostalim radnom sposobnošću sa kretanjem ličnih dohodaka u 1987. godini (»Službeni list SRBiH«, broj 7/88).

II

Zajamčena penzija koja se obezbjeđuje korisnicima penzija iz člana 63. stav 2. Zakona o penzijskom i invalidskom osiguranju (»Službeni list SRBiH«, br. 21/83, 22/85, 12/86 i 36/86), nakon povećanja penzija po ovom zaključku iznosi 113,290 dinara, počev od 1. januara 1988. godine.

III

1. Pravo na povećanje penzija po ovom zaključku ne pripada korisnicima kod kojih je 1988. godina posljednja godina rada i korisnicima penzija kojima je lični dohodak ostvaren u 1988. godini uzet za utvrđivanje penzijskog osnova.

2. Pravo na povećanje novčanih naknada po ovom zaključku ne pripada korisnicima koji pravo na novčanu naknadu stiču u 1988. godini.

IV

Povećanje penzija i novčanih naknada po ovom zaključku izvršiće se po službenoj dužnosti bez donošenja rješenja.

V

Ovaj zaključak stupa na snagu narednog dana od dana objavljivanja u »Službenom listu SRBiH«.

Broj SZ-20/88

15. februara 1988. godine
Sarajevo

Predsjednik,
Miroslav Dodik, s. r.

Na osnovu člana 2. stav 1. Odluke o usklađivanju penzija sa kretanjem nominalnih ličnih dohodaka (»Službeni list SRBiH«, broj 24/86), Izvršni odbor Skupštine Samoupravne interesne zajednice penzijskog i invalidskog osiguranja Bosne i Hercegovine, na sjednici od 15. februara 1988. godine, donosi

ZAKLJUČAK

O USKLAĐIVANJU PENZIJA SA KRETANJEM NOMINALNIH LIČNIH DOHODAKA U 1987. GODINI

I

1. Starosne, invalidske i porodične penzije (u daljem tekstu: penzije) usklađuju se sa kretanjem nominalnih ličnih dohodaka svih radnika zaposlenih u Socijalističkoj Republici Bosni i Hercegovini (u daljem tekstu: lični dohoci) u 1987. godini u odnosu na 1986. godinu i povećavaju za 3,13% počev od 1. januara 1987. godine.

2. Povećanje penzija iz tačke 1. primjenjuje se na iznos penzije koja korisniku penzije pripada nakon povećanja od 11% po Zaključku o usklađivanju

penzija po osnovu kretanja ličnih dohodaka u 1987. godini (»Službeni list SRBiH«, broj 39/87).

II

Zajamčena penzija koja se obezbjeđuje korisnicima penzija iz člana 63. stav 2. Zakona o penzijskom i invalidskom osiguranju (»Službeni list SRBiH«, br. 21/83, 22/85, 12/86 i 36/86), nakon povećanja penzija po ovom zaključku, iznosi 87.146 dinara počev od 1. januara 1987. godine.

Penzije ostvarene poslije 1. januara 1987. godine, kojima pripada povećanje po osnovu usklađivanja penzija sa kretanjem ličnih dohodaka u 1987. godini, povećavaju se za 97,2% od dana sticanja prava na penziju.

IV

Pravo na povećanje penzija po ovom zaključku ne pripada korisnicima kod kojih je 1987. godina posljednja godina rada i korisnicima penzija kojima je lični dohodak ostvaren u 1987. godini uzet za utvrđivanje penzijskog osnova.

V

Povećanje penzija po ovom zaključku izvršiće se po službenoj dužnosti bez donošenja rješenja.

VI

Ovaj zaključak stupa na snagu narednog dana od dana objavljivanja u »Službenom listu SRBiH«.

Broj SZ-19/88

15. februara 1988. godine
Sarajevo

Predsjednik,
Miroslav Dodik, s. r.

Samoupravna interesna zajednica zdravstvene zaštite Banja Luka

Na osnovu člana 107. Zakona o zdravstvenoj zaštiti (»Službeni list SRBiH«, broj 18/86), člana 21-32. Zakona o finansiranju zajedničkih potreba (»Službeni list SRBiH«, broj 1/88) i člana 22. Statuta Samoupravne interesne zajednice zdravstvene zaštite Banja Luka (»Službeni list SRBiH«, broj 6/85), Skupština Samoupravne interesne zajednice zdravstvene zaštite Banja Luka, na sjednici održanoj 11. marta 1988. godine, donosi

ODLUKU

O IZMJENAMA ODLUKE O OSNOVICAMA I STOPAMA DOPRINOSA ZA ZDRAVSTVENU ZAŠTITU ZA 1988. GODINU

Član 1.

U članu 2. stav 1. Odluke o osnovicama i stopama doprinosa za zdravstvenu zaštitu za 1988. godinu (»Službeni list SRBiH«, br. 42/87) mijenja se tačka 1. i glasi:

»1. Osnovni doprinos iz ličnog dohotka radnika 9,50%«.

Član 2.

Ova odluka stupa na snagu i primjenjuje se od 1. januara 1988. godine.

Broj SZ-338

11. marta 1988. godine
Banjaluka

Predsjednik Skupštine,
Pero Ristić, s. r.

Samoupravna interesna zajednica zdravstvene zaštite Bihać

Na osnovu čl. 9. i 98. Zakona o zdravstvenoj zaštiti («Službeni list SRBiH», broj 18/86), čl. 15. i 23. Zakona o finansiranju zajedničkih potreba («Službeni list SRBiH», br. 40/79, 28/80 i 22/83), člana 50. Samoupravnog sporazuma o osnivanju Samoupravne interesne zajednice zdravstvene zaštite Bihać («Službeni list SRBiH», broj 3/88), čl. 23. i 223. Statuta Samoupravne interesne zajednice zdravstvene zaštite Bihać («Službeni list SRBiH», broj 3/88), Vijeće korisnika usluga Skupštine Samoupravne interesne zajednice zdravstvene zaštite Bihać, na sjednici održanoj dana 26. februara 1988. godine, donosi

ODLUKU

O STOPAMA DOPRINOSA ZA ZDRAVSTVENU ZAŠTITU RADNIKA ZA 1988. GODINU

Član 1.

Radi obezbjeđenja sredstava za zadovoljenje zajedničkih potreba u zdravstvenoj zaštiti radnika Samoupravne interesne zajednice zdravstvene zaštite Bihać (u daljem tekstu: Zajednica), ovom odlukom utvrđuju se stope doprinosa za zdravstvenu zaštitu radnika i paušalni iznos doprinosa za područja opština: Bihać, Bosanska Krupa, Bosanski Petrovac, Cazin i Velika Kladuša.

I — DOPRINOS ZA ZDRAVSTVENU ZAŠTITU LICA OSIGURANIH KAO RADNICI

Član 2.

Doprinos za zdravstvenu zaštitu plaća se po bruto stopama:

1. za osnovnu zdravstvenu zaštitu 10,00%
2. za ostale vidove zdravstvene zaštite 2,00%

Doprinosi iz prethodnog stava plaćaju se na propisane zbirne uplatne račune doprinosa za zdravstvenu zaštitu.

Osnovica doprinosa iz tačke 1. ovog člana je lični dohodak radnika u smislu čl. 24. i 25. Zakona o finansiranju zajedničkih potreba.

Osnovica doprinosa iz tačke 2. ovog člana je dohodak utvrđen čl. 16. i 17. Zakona o finansiranju zajedničkih potreba.

Član 3.

Doprinos za zdravstvenu zaštitu užiavalaca penzije i korisnika prava po osnovu penzijsko-invalidskog osiguranja plaća se po stopi od 10,00% preračunatoj na neto stopu.

Visina, osnov, način i rokovi uplate sredstava za zdravstvenu zaštitu ovih lica utvrđeni su samoupravnim sporazumima zajednica PIO i Republičke zajednice zdravstva.

Član 4.

Osiguranci državljani SFRJ koji primaju penziju i invalidninu isključivo od inostranih nosioca osiguranja, dok imaju prebivalište na teritoriji Zajednice, plaćaju doprinos po stopi iz člana 2. stav 1. tačka 1. preračunatoj na neto stopu, na iznos primljene penzije i invalidnine preračunate u dinare po zvaničnom kursu koji važi na dan dospijeca uplate doprinosa ako međunarodnim sporazumom nije drugačije određeno.

Član 5.

Državljeni SFRJ koji su u radnom odnosu u inostranstvu ako nisu obavezno osigurani kod inostranog nosioca osiguranja po zakonu zemlje u kojoj su zaposleni ili po međunarodnom sporazumu, a imali su prebivalište na teritoriji Zajednice neposredno prije stupanja u radni odnos u inostranstvu i državljani SFRJ, koji su u radnom odnosu kod inostranog poslodavca ili u međunarodnoj misiji na teritoriji Zajednice, plaćaju doprinos po bruto stopama utvrđenim u članu 2. ove odluke.

Osnovica za obračun doprinosa je peterostruki iznos prosječnog bruto ličnog dohotka ostvarenog u privredi Republike ostvaren u prethodnoj godini.

Član 6.

Za osiguranike radnike koji poslove organizacije vrše u inostranstvu duže od 30 dana pored osnovnog doprinosa utvrđenog za zdravstvenu zaštitu osiguranika radnika zaposlenih na teritoriji Zajednice, plaća se poseban doprinos za obezbjeđenje zdravstvene zaštite u inostranstvu.

Mjesečne osnovice osnovnog i posebnog doprinosa utvrđuju se po kategorijama stručne spreme primjenom koeficijenata utvrđenih po kategorijama stručne spreme na prosječan čisti lični dohodak ostvaren u privredi Republike u prethodnoj godini.

Koeficijenti iz prethodnog stava utvrđuju se:

— nekvalifikovani radnici	0,60
— polukvalifikovani rad. i niža sprema	0,75
— kvalifikovani rad. i srednja sprema	1,10
— visokokvalifikovani radnici	1,30
— viša stručna sprema	1,40
— visoka stručna sprema	1,80
— specijalisti i magistri	2,00
— doktori nauka	2,10

Osnovice osnovnog i posebnog doprinosa utvrđuju se svake godine na osnovu prosječnog čistog ličnog dohotka ostvarenog u privredi Republike u prethodnoj godini i koeficijenta iz prethodnog stava.

Osnovni doprinos plaća se po stopi koja je utvrđena za radnike zaposlene na području Zajednice, a poseban doprinos po neto stopi od 15%.

Član 7.

Doprinos za zdravstvenu zaštitu lica privremeno nezaposlenih, dok su redovno prijavljena Samoupravnoj interesnoj zajednici za zapošljavanje ako su prije prestanka radnog odnosa bila u radnom odnosu neprekidno devet mjeseci ili 12 mjeseci sa prekidima u posljednjih 18 mjeseci i lica koja se nalaze na stručnom osposobljavanju ili prekvalifikaciji koje organizuje Zajednica za zapošljavanje.

Sredstva za zdravstvenu zaštitu ovih lica, odnosno osnov, način i rokove uplate ovih sredstava utvrđuje Samoupravnim sporazumom SIZ za zapošljavanje i Republička zajednica.

Član 8.

Za obezbjeđenje zdravstvene zaštite stranim državljanima i licima bez državljanstva koja borave na području Zajednice, plaća se doprinos za zdravstvenu zaštitu po stopi iz člana 2. stav 1. tačka 1. ove odluke, na osnovicu koju čini prosječan bruto lični dohodak u privredi Republike ostvaren u prethodnoj godini pomnožen koeficijentom 2.

Član 9.

Naknada sredstava po osiguranom licu za zadovoljavanje potreba u zdravstvenoj zaštiti lica kojima

je priznato pravo na zdravstvenu zaštitu po propisima o obezbjeđenju zdravstvene zaštite učesnika NOR-a, zaštiti vojnih invalida i propisima o CZR utvrđuju se u iznosu prosječnih troškova po osiguranom licu za osiguranje radnika u Republici bez naknade za vrijeme spriječenosti za rad u vezi sa korištenjem zdravstvene zaštite i odsustva zbog trudnoće i poroda.

Ugovorom između organa Republike i Zajednice bliže se utvrđuje način plaćanja i visina doprinosa po osiguranom licu.

Član 10.

Za lica koja su na školovanju, stručnom usavršavanju ili postdiplomskim studijama u zemlji i inostranstvu, koja su zbog toga prekinula radni odnos, ako za to vrijeme primaju stipendiju, plaća se doprinos po stopi utvrđenoj u članu 2. stav 1. tačka 1. ove odluke.

Osnovica za obračun doprinosa je dvostruki prosječan bruto lični dohodak u privredi Republike ostvaren u prethodnoj godini.

Član 11.

Za zdravstvenu zaštitu lica koja organizacija prije stupanja u radni odnos uputi kao svoje stipendiste na praktični rad u drugu organizaciju udruženog rada radi stručnog osposobljavanja ili stručnog usavršavanja, doprinos se plaća po stopi utvrđenoj u članu 2. stav 1. tačka 1. Odluke.

Osnovica za obračun doprinosa je prosječan čisti lični dohodak u privredi Republike ostvaren u prethodnoj godini.

Član 12.

Za lica koja su korisnici stalne novčane — osnovne pomoći i lica smještena u organizacije socijalne zaštite, ako nisu osigurana po drugom osnovu, obračunava se i plaća doprinos po neto stopi od 10,00%.

Osnovica za obračun je mjesečni iznos stalne novčane pomoći.

Član 13.

Za lica koja učestvuju u omladinskim radnim akcijama ako rade najmanje 6 sati dnevno, plaća se doprinos po stopi od 2%.

Osnovica za obračun doprinosa je prosječni mjesečni čisti lični dohodak u privredi Republike ostvaren u prethodnoj godini.

Član 14.

Za lica koja učestvuju u javnim radovima koje organizuju društveno-političke zajednice, ako rade najmanje 6 sati dnevno, plaća se doprinos od 2%.

Osnovica za obračun doprinosa je prosječni mjesečni čisti lični dohodak u privredi Republike ostvaren u prethodnoj godini.

Član 15.

Za lica koja se nalaze na obuci za narodnu odbranu i društvenu samozaštitu, pripadnicima teritorijalnih jedinica narodne odbrane i društvene samozaštite i jedinica civilne zaštite za vrijeme vršenja dužnosti u vezi sa narodnom odbranom, civilnom zaštitom i društvenom samozaštitom kao i pripadnicima rezervnog sastava organa unutrašnjih poslova,

plaća se doprinos za zdravstvenu zaštitu po stopi od 2%.

Osnovica je prosječni mjesečni čisti lični dohodak u privredi Republike ostvaren u prethodnoj godini.

Član 16.

Za lica koja učestvuju u zaštiti od elementarnih nepogoda, po propisima o toj zaštiti plaća se doprinos po stopi od 2% na osnovicu prosječni mjesečni čisti lični dohodak u privredi Republike ostvaren u prethodnoj godini.

Član 17.

Za lica koja na zahtjev organa unutrašnjih poslova samoinicijativno pruže pomoć ovim organima u vršenju njihovih dužnosti, za vrijeme pružanja pomoći, plaća se doprinos po stopi od 2% na osnovicu prosječan mjesečni čisti lični dohodak u privredi Republike ostvaren u prethodnoj godini.

Član 18.

Za lica koja vrše dužnost po propisima o zaštiti od požara plaća se doprinos po stopi od 2% na osnovicu prosječan mjesečni čisti lični dohodak u privredi Republike ostvaren u prethodnoj godini.

Član 19.

Doprinos utvrđen u čl. 15. do 20. ove odluke obračunava se za sve dane učešća u navedenim akcijama.

Član 20.

Za slučajeve nesreće na poslu i za slučaj oboljenja od profesionalne bolesti učesnika u organizacijama za srednje usmjereno obrazovanje i vaspitanje i studente kada vrše proizvodni rad u vezi sa nastavom doprinos se plaća po stopi od 0,5% od prosječnog mjesečnog čistog ličnog dohotka u privredi Republike u prethodnoj godini.

Doprinos se obračunava po osiguraniku za svaki dan praktične nastave bez obzira na broj časova praktične nastave po jednom danu.

Član 21.

Za slučaj nesreće na poslu i za slučaj oboljenja od profesionalne bolesti lica koja obavljaju rad po osnovu ugovora u smislu propisa o radnim odnosima, kao i za autorske honorare, plaća se doprinos po neto stopi od 10,00%, odnosno 2%.

Osnovica za obračun je neto zarada. U neto zaradi kao osnovici doprinosa po osnovu dogovora nisu sadržani doprinosi i porezi, a kod autorskih honorara ni troškovi prema odredbama Zakona o porezima građana.

Član 22.

Za lica koja se nalaze na neplaćenom odsustvu plaća se doprinos po stopi iz člana 2. stav 1. tačka 1. ove odluke.

Osnovica za obračun stope je lični dohodak iz prethodnog mjeseca.

Član 23.

Za članove uže porodice državljanina SFRJ zaposlenog u inostranstvu koji imaju prebivalište na

teritoriji Zajednice, ako nisu obuhvaćeni zdravstvenom zaštitom u okviru njegovog prava na obavezno obezbjeđenje zdravstvene zaštite kod inostranog nosioca osiguranja, obezbjeđuju se prava na zdravstvenu zaštitu koja su zakonom propisana za članove uže porodice radnika.

Doprinos se plaća po članu domaćinstva po neto stopi od 5% mjesečno.

Osnovica za obračun doprinosa je prosječni čisti lični dohodak u privredi Republike ostvaren u prethodnoj godini.

Član 24.

Za redovne studente i članove njihove uže porodice kojima je zdravstvena zaštita obezbjeđena u manjem obimu od obima utvrđenog za članove porodice radnika, doprinos za zdravstvenu zaštitu radi obezbjeđenja zdravstvene zaštite do obima i pod uslovima utvrđenim za članove porodice osiguranika radnika za prava utvrđena Statutom Zajednice, plaća se doprinos po stopi od 1% mjesečno.

Osnovica za obračun doprinosa je čisti lični dohodak u privredi Republike ostvaren u prethodnoj godini.

Član 25.

Za bračnog druga koji po smrti radnika nije stekao pravo na porodičnu penziju i razvedenog bračnog druga kome je sudskom odlukom određeno izdržavanje, plaća se doprinos za zdravstvenu zaštitu po neto stopi od 5% mjesečno.

Osnovica za obračun je prosječni čisti lični dohodak u privredi Republike ostvaren u prethodnoj godini.

II — DOPRINOS ZA ZDRAVSTVENU ZAŠTITU LICA KOJA OBAVLJAJU SAMOSTALNE DJELATNOSTI

Član 26.

Doprinos iz ličnog dohotka za zdravstvenu zaštitu lica koja obavljaju samostalnu djelatnost, kao i za članove svojih porodica u skladu sa članom 30. Zakona o finansiranju zajedničkih potreba plaćaju:

1. lica koja obavljaju djelatnost samostalnim ličnim radom sredstvima rada u svojini građana;
2. lica koja samostalno obavljaju profesionalnu djelatnost;
3. lica koja stiču dohodak od autorskih prava.

Doprinos iz prethodnog stava plaća se po stopi utvrđenoj u članu 2. stav 1. tač. 1. i 2.

Obaveznici i osnovice za obračun doprinosa iz ličnog dohotka iz stava 1. ovog člana su isti kao i obaveznici i osnovica za razrez poreza iz LD utvrđenom Zakonom o porezima građana.

Razrez, obračun i naplatu doprinosa iz ličnih dohodaka od samostalnog obavljanja djelatnosti vrši nadležni opštinski organ uprave, prema odredbama Zakona o porezima građana.

Za vršenje poslova iz prethodnog stava može se utvrditi naknada opštini, a naknada se utvrđuje ugovorom između Zajednice i opštine.

Član 27.

Akontacija doprinosa za zdravstvenu zaštitu osiguranika samostalnih djelatnosti plaća se u mjesečnom iznosu utvrđenom kao mjesečni iznos doprinosa

u prethodnoj godini. Ovaj iznos akontacije plaća se do donošenja obračuna u kome će se utvrditi razlika između akontacije i stvarnog iznosa, kao i iznosa akontacije za narednu godinu.

Član 28.

Za osiguranike koji počinu sa radom u toku godine utvrdiće se akontacija na način kako je to predviđeno u Zakonu o porezima građana, a na osnovu podataka koji služe za izračunavanje poreza.

Član 29.

Osigurancima kojima se porez razrezuje u godišnjem paušalnom iznosu, osnovica doprinosa za zdravstvenu zaštitu je prosječan mjesečni čisti lični dohodak u Republici iz prethodne godine.

Doprinos se obračunava za svaki mjesec.

Član 30.

Osnovica za obračun doprinosa za slijedeće obaveznike osiguranike:

1. književnici, kompozitori, umjetnici i prevodioci naučnih, stručnih djela i drugih autorskih prava.

Osnovica za obračun doprinosa je prosječan čisti lični dohodak u Republici ostvaren u prethodnoj godini množen sa koeficijentom 2,2.

2. filmski radnici, artisti i muzičari zabavne i narodne muzike, osnovica za obračun doprinosa je prosječan čisti lični dohodak u Republici ostvaren u prethodnoj godini, množen koeficijentom 2,00;

3. samostalni kolporter štampe, željeznički nosači, nosači prtljage, čistači obuće i slično, osnovica za obračun doprinosa je prosječan čisti lični dohodak u Republici ostvaren u prethodnoj godini;

4. vjerski službenici i sveštenici, osnovica za obračun je prosječan čisti lični dohodak u Republici ostvaren u prethodnoj godini, a za katoličke vjerske službenike i sveštenike množen sa koeficijentom 0,80.

Član 31.

Lica koja se pored redovnog zanimanja bave i privatnom djelatnošću, kao dopunskom djelatnošću plaćaju doprinos za zdravstvenu zaštitu po stopi od 10%.

Osnovica za obračun i uplatu doprinosa iz prethodnog stava je ista kao osnovica za razrez poreza iz LD utvrđenog po Zakonu o porezima građana.

Član 32.

Za osiguranike koji ostvaruju dohodak zajedničkim vršenjem samostalnih djelatnosti osnovica se utvrđuje za svakog osiguranika posebno, kako je to ugovorom o međusobnim odnosima utvrđeno.

U slučaju kada ugovor iz prethodnog stava nije zaključen, osnovica dohotka, odnosno poreza dijeli se na jednake dijelove.

Član 33.

Za osiguranike osigurane po osnovu vršenja samostalnih djelatnosti koji su oslobođeni plaćanja poreza kao osnovica doprinosa za zdravstvenu zaštitu služi prosječan mjesečni čisti lični dohodak privrede u Republici ostvaren u prethodnoj godini pomnožen sa koeficijentom 0,7.

Član 34.

Za ostale osiguranike — obveznike doprinosa za koje nije zakonom utvrđeno kako se formira osnovica kao osnovica utvrđuje se prosječan čist lični dohodak u Republici ostvaren u prethodnoj godini.

III — DOPRINOS ZA ZDRAVSTVENU ZAŠTITU LICA KOJA SE DOBROVOLJNO OSIGURAVAJU

Član 35.

Lica kojima nije obezbijeđena zdravstvena zaštita mogu sebi i svojim članovima porodice da obezbijede pravo na zdravstvenu zaštitu i druga prava utvrđena Statutom Zajednice, dobrovoljnim udruživanjem sredstava u Zajednicu.

Doprinos se plaća po stopi od 5% po osiguranom licu. Osnovica za obračun doprinosa je prosječni mjesečni čist lični dohodak u privredi Republike ostvaren u prethodnoj godini.

Član 36.

Licima koja nisu osigurana ni po kakvom drugom osnovu, opština odnosno Republika obezbjeđuje sredstva za pokrivanje troškova obaveznih vidova zdravstvene zaštite doprinos se plaća po neto stopi od 3%.

Osnovica za obračun doprinosa je prosječni mjesečni LD u privredi Republike ostvaren u prethodnoj godini.

IV — PRELAZNE I ZAVRŠNE ODREDBE

Član 37.

Obveznici uplate doprinosa uplaćuju doprinose u skladu sa odredbama Zakona o finansiranju zajedničkih potreba, Zakona o zdravstvenoj zaštiti i ovom odlukom.

Doprinosi propisani ovom odlukom sa uplatnih računa (zbirnih) prazne se u korist žiro računa Zajednice.

Član 38.

Obračunavanje i uplatu doprinosa za zdravstvenu zaštitu vrše obveznici uplate doprinosa iz člana 95. Zakona o zdravstvenoj zaštiti.

Obaveznici uplate doprinosa uplaćuju doprinose prilikom isplate ličnih dohodaka, zarada, penzija i slično na dan isplate, a svi ostali obveznici najkasnije do 10. u mjesecu za protekli mjesec.

Zajednica PIO i Zajednica za zapošljavanje uplaćuju doprinos u roku utvrđenom Samoupravnim sporazumom.

Za neblagovremeno uplaćene doprinose obveznici plaćaju kamatu utvrđenu zakonom.

Član 39.

Ova odluka stupa na snagu osmog dana od dana objavljivanja u »Službenom listu SRBiH«, a primjenjivat će se od 1. januara 1988. godine.

Danom stupanja na snagu ove odluke prestaje da važi Odluka o stopama doprinosa za zdravstvenu zaštitu radnika za 1987. godinu.

Broj 01-220/88
26. februara 1988. godine
Bihać

Predsjednik
Vijeća korisnika usluga,
Duško Balaban, s. r.

Na osnovu čl. 95. i 96. Zakona o zdravstvenoj zaštiti (»Službeni list SRBiH«, broj 18/86), člana 30. Zakona o finansiranju zajedničkih potreba (»Službeni list SRBiH«, br. 40/79 i 22/83), člana 50. Samoupravnog sporazuma o osnivanju Samoupravne interesne zajednice zdravstvene zaštite Bihać (»Službeni list SRBiH«, broj 3/88), čl. 23. i 223. Statuta Samoupravne interesne zajednice zdravstvene zaštite Bihać (»Službeni list SRBiH«, broj 3/88), Vijeće korisnika usluga Samoupravne interesne zajednice zdravstvene zaštite Bihać na sjednici održanoj 26. februara 1988. godine, donosi

ODLUKU

O STOPAMA DOPRINOSA ZA ZDRAVSTVENU ZAŠTITU ZEMLJORADNIKA ZA 1988. GODINU

Član 1.

Doprinos za zdravstvenu zaštitu plaćaju zemljoradnici iz ličnog dohotka od samostalnog obavljanja poljoprivredne djelatnosti ličnim radom po stopi od 85% od osnova.

Član 2.

Zemljoradnici koji ostvaruju lični dohodak od korištenja zemljišta u neprivredne svrhe (vađenje šljunka, kamena i pijeska, pečenje cigle, crijepa i kreča, proizvodnja drvenog uglja i sl) i sporednih privrednih djelatnosti (pečenje rakije, mljevenje žitarica, kosidba kosačicom i sl) plaćaju doprinos po stopi od 60% od osnova.

Član 3.

Radnici i poslodavci na naknadu od rada zemljoradnika po ugovoru na osnovu propisa o radnim odnosima po stopi doprinosa od 30% od osnova.

Član 4.

Radnici u radnom odnosu, uživaoci penzije, radni ljudi samostalnih djelatnosti i drugi radni ljudi i građani koji su osigurani kao radnici, a koji stiču lični dohodak i od poljoprivredne djelatnosti plaćaju doprinos za zdravstvenu zaštitu po stopi od 85% od osnova.

Član 5.

Obveznici doprinosa za zdravstvenu zaštitu zemljoradnika i osnov od kojeg se obračunava doprinos po stopama iz člana 1, 2. i 4. utvrđeni su Zakonom o porezima građana.

Osnovica za obračun doprinosa iz člana 3. je neto iznos zarade utvrđen ugovorom.

Član 6.

Danom stupanja na snagu ove odluke prestaje da važi Odluka o stopama doprinosa za zdravstvenu zaštitu zemljoradnika (»Službeni list SRBiH«, broj 5/87).

Član 7.

Ova odluka stupa na snagu danom objavljivanja u »Službenom listu SRBiH«, a primjenjivaće se od 1. januara 1988. godine.

Broj 01-220/88
26. februara 1988. godine
Bihać

Predsjednik
Vijeća korisnika usluga,
Duško Balaban, s. r.

Samoupravna interesna zajednica zdravstvene zaštite Bosanski Brod

Na osnovu čl. 88. do 110. Zakona o zdravstvenoj zaštiti (»Službeni list SRBiH«, broj 18/86), čl. 35. do 39. Zakona o finansiranju zajedničkih potreba (»Službeni list SRBiH«, broj 1/88) i člana 27. Statuta Samoupravne interesne zajednice zdravstvene zaštite Bosanski Brod (»Službeni list SRBiH«, br. 4/85 i 20/87) Vijeće korisnika usluga Skupštine Zajednice zdravstvene zaštite Bosanski Brod na sjednici održanoj dana 3. marta 1988. godine, donosi

ODLUKU

O IZMJENAMA ODLUKE O DOPRINOSIMA ZA ZDRAVSTVENU ZAŠTITU

Član 1.

U Odluci o doprinosima za zdravstvenu zaštitu Samoupravne interesne zajednice zdravstvene zaštite Bosanski Brod (»Službeni list SRBiH«, broj 2/88), vrši se sljedeća izmjena:

— u članu 2. stav 1. Odluke stopa osnovnog doprinosa od 7,50% zamjenjuje se stopom od 7%.

Član 2.

Ova odluka stupa na snagu osmog dana od dana objavljivanja u »Službenom listu SRBiH« a primjenjivat će se od 1. marta 1988. godine.

Reg. broj 01-176

3. marta 1988. godine
Bosanski Brod

Predsjednik

Vijeća korisnika usluga,
Halima Pukljak, s. r.

~~~~~

Na osnovu člana 188. Statuta Samoupravne interesne zajednice zdravstvene zaštite Bosanski Brod (»Službeni list SRBiH«, broj 20/87, Skupština Samoupravne interesne zajednice zdravstvene zaštite Bosanski Brod, na zajedničkoj sjednici vijeća održanoj dana 3. marta 1987. godine, donijela je

### PRAVILNIK

#### O OSTVARIVANJU ZDRAVSTVENE ZAŠTITE

##### I — OPŠTE ODREDBE

##### Član 1.

Pravilnikom o ostvarivanju zdravstvene zaštite i drugih prava (u daljem tekstu: Pravilnik) utvrđuju se uslovi i postupak ostvarivanja zdravstvene zaštite i drugih prava iz zdravstvene zaštite koja osigurana lica ostvaruju u Samoupravnoj interesnoj zajednici zdravstvene zaštite Bosanski Brod (u daljem tekstu: Zajednica).

##### Član 2.

Ovaj pravilnik primjenjuje se na sva lica koja ostvaruju zdravstvenu zaštitu i druga prava iz zdravstvene zaštite u Zajednici, bez obzira na njihovo prebivalište, odnosno boravište i bez obzira na mjesto korištenja prava iz zdravstvene zaštite, ukoliko zakonom, drugim propisom ili samoupravnim opštim aktom nije drugačije određeno.

##### Član 3.

Zdravstvenu zaštitu i druga prava iz zdravstvene zaštite mogu ostvariti samo ona lica koja su prijavljena na zdravstvenu zaštitu u Zajednici.

##### Član 4.

Svojstvo osiguranog lica dokazuje se posebnom ispravom (zdravstvenom legitimacijom) koju izdaje Zajednica.

Izuzetno od odredbe prethodnog stava, u slučajevima iz čl. 30. i 31. Zakona o zdravstvenoj zaštiti svojstvo osiguranog lica dokazuje se posebnim uvjerenjem koje izdaje Zajednica kod koje je takvo lice prijavljeno na osiguranje.

Uvjerenje iz prethodnog stava važi 30 dana od dana njegovog izdavanja.

U slučaju započetog liječenja uvjerenje važi do završetka liječenja.

##### Član 5.

Zdravstvena zaštita može se koristiti samo na osnovu uredno ovjerene zdravstvene legitimacije, odnosno uvjerenja iz stava 1. prethodnog člana.

Zdravstvena organizacija obavezna je da provjeri identitet osiguranog lica koje traži zdravstvenu zaštitu i važnost odnosno ovjeru zdravstvene legitimacije odnosno uvjerenja.

Zdravstvena organizacija uskratiće pružanje zdravstvenih usluga na teret Zajednice ako nađe da zdravstvena legitimacija odnosno uvjerenje nije propisano ovjerena.

Ukoliko zdravstvena organizacija nađe da zdravstvenu legitimaciju odnosno uvjerenje posjeduje treće lice, istu će oduzeti i na osnovu lične karte utvrditi identitet lica koje je pokušalo da se posluži tuđom ispravom.

##### Član 6.

Ovjeru zdravstvene legitimacije vrše:

1. osnovne i druge organizacije udruženog rada, radne zajednice i druge samoupravne organizacije i zajednice za radnike i članove njihovih porodica i za lica iz člana 29. stav 1. tačka 4. Zakona o zdravstvenoj zaštiti,

2. zajednica za zapošljavanje za lica osigurana po članu 29. stav 1. tač. 2. i 3. i po članu 31. tačka 3,

3. organizacije za visoko obrazovanje za svoje studente i članove njihove uže porodice kojima se zdravstvena zaštita obezbjeđuje po članu 38. Zakona o zdravstvenoj zaštiti,

4. zajednica zdravstvene zaštite za ostala osigurana lica kojima se obezbjeđuje zdravstvena zaštita i za članove porodice odnosno domaćinstva.

Uživaoci penzija i članovi njihovih porodica zdravstvenu zaštitu koriste na osnovu zdravstvene legitimacije i odreska čeka ili potvrde o isplati penzije.

Korisnici prava na novčanu naknadu za vrijeme čekanja na zapošljavanje na drugom odgovarajućem poslu i za vrijeme čekanja i vršenja prekvalifikacije odnosno dokvalifikacije po propisima o penzijskom i invalidskom osiguranju koji nisu u radnom odnosu i članovi njihovih porodica zdravstvenu zaštitu koriste na osnovu zdravstvene legitimacije i odreska čeka ili potvrde o isplati novčane naknade.

Za djecu osiguranika stariju od 15 godina koja se nalaze na redovnom školovanju produženje važenja zdravstvene legitimacije vrši Zajednica početkom školske godine na osnovu potvrde o redovnom školovanju.

#### Član 7.

Ovjera zdravstvene legitimacije za osigurana lica u zdravstvenom osiguranju radnika važi 30 dana, a za osigurana lica u zdravstvenom osiguranju zemljoradnika 3 mjeseca.

Ovjera zdravstvene legitimacije za lica kojima je priznato pravo na zdravstvenu zaštitu po propisima o obezbjeđenju i zdravstvenoj zaštiti učesnika narodnooslobodilačkog rata važi godinu dana.

U toku trajanja započetog liječenja nije potrebna nova ovjera zdravstvene legitimacije.

Prije ovjere zdravstvene legitimacije licima u osiguranju zemljoradnika i radnim ljudima koji samostalno obavljaju djelatnost sredstvima u svojini građana, dokazuje se plaćanje dospjelih obaveza doprinosa za zdravstvenu zaštitu.

Korištenje prava koja se po osnovu Zakona o zdravstvenoj zaštiti obavezno obezbjeđuju i prava na zdravstvenu zaštitu u slučaju hitne medicinske pomoći, ne može se uslovljavati uplatom doprinosa.

#### Član 8.

Zdravstvena legitimacija za bračnog druga osiguranika izdaje se na osnovu dokaza o zaključivanju braka (izvod iz matične knjige vjenčanih) a za ostale članove porodice na osnovu izvoda iz matične knjige rođenih, kao i drugih dokaza neophodnih za sticanje svojstva osiguranog lica (potvrda o školovanju djece i dr.).

#### Član 9.

Osiguranom licu koje je izgubilo zdravstvenu legitimaciju, na njegov zahtjev izdaće se nova zdravstvena legitimacija.

#### Član 10.

Lica kojima se zdravstvena zaštita obezbjeđuje po odredbama člana 116. Statuta Zajednice ostvaruju zdravstvenu zaštitu na osnovu zdravstvene legitimacije izdate od zajednice kod koje su prijavljeni.

Ovjera zdravstvene legitimacije za lica iz prethodnog stava vrši se svakih 30 dana, pod uslovom da su uplaćeni dospjeli iznosi doprinosa za zdravstvenu zaštitu.

#### Član 11.

Svojstvo osiguranog lica člana šire porodice iz člana 109. Statuta Zajednice stiče pod uslovima koje utvrdi Samoupravna interesna zajednica zdravstvene zaštite Bosne i Hercegovine (u daljem tekstu: Republička zajednica).

Ako u toku godine nastanu promjene od uticaja na pravo (otudjenje ili sticanje dobara koja su donosioca prihode) prava na zdravstvenu zaštitu stiču se ili gube od prvog dana narednog mjeseca po nastaloj promjeni.

Osigurano lice i član njegove šire porodice koji je osiguran po tom osnovu dužni su u roku od 8 dana zajednici prijaviti svaku promjenu iz prethodnog stava.

#### Član 12.

Član šire porodice kome je u smislu člana 11. ovog pravilnika priznato pravo na zdravstvenu zaštitu prava iz zdravstvene zaštite ostvaruje na osnovu zdra-

vstvene legitimacije koju ovjerava organizacija udruženog rada u kojoj je zaposlen nosilac osiguranja.

Ocjenu prava na zdravstvenu zaštitu člana šire porodice vrši Zajednica početkom godine (a najkasnije do 31. januara) za tekuću godinu.

Na osnovu provedenog postupka iz prethodnog stava u zdravstvenu legitimaciju člana šire porodice stavlja se klauzula o pravu na zdravstvenu zaštitu za tekuću godinu.

#### Član 13.

Lica koja se osiguravaju u smislu člana 33. stav 2. Zakona o zdravstvenoj zaštiti i lica koja nisu osigurana po nekom drugom osnovu, sama podnose prijavu na osiguranje, a ovjeru zdravstvene legitimacije vrši Zajednica.

#### Član 14.

Ako Zajednica ne prizna pravo na zdravstvenu zaštitu zainteresovanom licu ili to pravo prizna po nekom drugom osnovu protivno zahtjevu, donosi o tome pismeno rješenje koje dostavlja zainteresovanom licu i podnosiocu prijave.

### II — OSTVARIVANJE ZDRAVSTVENE ZAŠTITE

#### 1. Ostvarivanje primarne zdravstvene zaštite

#### Član 15.

Kada se u smislu člana 177. Statuta Zajednice osigurano lice opredijeli za zdravstvenu organizaciju u kojoj će ostvarivati primarnu zdravstvenu zaštitu, u zdravstvenu legitimaciju i lični karton unosi se klauzula: »ostvaruje zdravstvenu zaštitu u ——— (unosi se naziv zdravstvene organizacije)«.

O izboru zdravstvene organizacije Zajednica pismeno obavještava izabranu zdravstvenu organizaciju i zdravstvenu organizaciju u kojoj je osigurano lice do tada ostvarivalo primarnu zdravstvenu zaštitu.

#### Član 16.

U slučaju kada se osigurano lice opredijelilo za zdravstvenu organizaciju primarne zdravstvene zaštite prema mjestu rada odnosno prebivališta za članove porodice, kod te zdravstvene organizacije ostvaruje potpunu primarnu zdravstvenu zaštitu.

Osigurano lice opredjeljuje se za doktora medicine odnosno doktora stomatologije u izabranoj zdravstvenoj organizaciji na način i pod uslovima utvrdjenim u toj zdravstvenoj organizaciji.

#### 2. Ostvarivanje sekundarne i visokodiferencirane zdravstvene zaštite

#### Član 17.

Kada se dijagnosticiranje i liječenje ne mogu obaviti u opštoj bolnici ili regionalnoj bolnici na području Zajednice, osigurano lice se upućuje u drugu zdravstvenu organizaciju (bolnicu ili kliniku) na teritoriji Republike odnosno kliniku izvan Republike.

Prijedlog za dijagnosticiranje i liječenje van područja Zajednice daje doktor medicine koji liječi osigurano lice na osnovu vlastitog saznanja ili mišljenja zdravstvene organizacije a potrebu utvrđuje komisija koja se obrazuje pri OOUR-a »Dom zdravlja« Bosanski Brod — Medicinskog centra Slavonski Brod na osnovu svog nalaza i mišljenja.

Komisija iz prethodnog stava ima tri člana i tri zamjenika. Komisiju imenuje radnički savjet OOUR-a »Dom zdravlja« Bosanski Brod na vrijeme od dvije godine.

Komisija svoj nalaz i mišljenje daje isključivo na osnovu medicinske dokumentacije u vidu ocjene o potrebi liječenja van područja Zajednice (u daljem tekstu: ocjena).

#### Član 18.

Ocjena pored opštih podataka sadrži i podatak o nazivu i sjedištu zdravstvene organizacije u koji se upućuje osigurano lice, dijagnozu zdravstvene usluge (iz sadržaja posla utvrđenog u Društvenom dogovoru o podjeli rada) koji treba da se pruži osiguranom licu i predvidivu dužinu trajanja.

Započeto liječenje, na obrazloženi prijedlog zdravstvene organizacije gdje se osigurano lice nalazi, može se produžiti i iznad utvrđene dužine trajanja.

#### Član 19.

Upućivanje osiguranih lica na liječenje i dijagnosticiranje van područja Zajednice iz sadržaja djelatnosti koje se prema Društvenom dogovoru o podjeli rada obavlja u opštoj i regionalnoj bolnici, može se vršiti samo u slučaju da je od nadležnog organa utvrđeno da se ta stanja ne mogu liječiti na području Zajednice.

U slučaju iz prethodnog stava osigurano lice može se uputiti na liječenje na područja Zajednice u zdravstvenu organizaciju na teritoriji Republike nivoa opšte ili regionalne bolnice.

#### Član 20.

U slučaju kada se osigurana lica upućuju na liječenje i dijagnosticiranje na Kliniku, upućivanje se vrši saglasno podjeli rada iz Društvenog dogovora (B i A nivo), a na kliniku izvan Republike osigurano lice može se uputiti u slučaju kada se liječenje ili dijagnosticiranje ne može obaviti na teritoriji Republike.

#### Član 21.

Prijedlog iz člana 17. stav 2. ovog pravilnika zajedno sa medicinskom dokumentacijom iz koje se vidi opravdanost prijedloga, doktor medicine koji liječi osigurano lice dostavlja izravno Komisiji.

Ocjenu o potrebi liječenja van područja Zajednice Komisija dostavlja Zajednici radi unošenja u Ocjenju klauzule da će troškove liječenja u vezi sa Ocjenom snositi Zajednica.

Po jedan primjerak Ocjene dostavlja se doktoru medicine koji je podnio prijedlog radi izdavanja uputnice, Zajednici radi evidencije i jedan primjerak za arhivu.

### 3. Ostvarivanje zdravstvene zaštite po vlastitom izboru

#### Član 22.

Kada osigurano lice koristi zdravstvenu zaštitu po vlastitom izboru u smislu člana 186. stav 1. Statuta Zajednice (izbor zdravstvene organizacije van područja Republike istog nivoa: opšta bolnica — opšta bolnica, regionalna bolnica — regionalna bolnica),

potrebu za korištenjem te zaštite utvrđuje komisija iz člana 17. stav 3. ovog pravilnika.

Ocjena o potrebi korištenja zdravstvene zaštite utvrđena u smislu prethodnog stava dostavlja se doktoru medicine koji liječi osigurano lice i Zajednici radi evidencije.

Na osnovu ocjene iz stava 1. ovog člana, doktor medicine izdaće osiguranom licu uputnicu, bez izdavanja potvrde o potrebi putovanja radi ostvarivanja zdravstvene zaštite.

#### Član 23.

Kada osigurano lice koristi zdravstvenu zaštitu po vlastitom izboru u smislu člana 186. stav 2. i 187. Statuta Zajednice (izbor zdravstvene organizacije nivoa regionalne bolnice ili klinike na području Republike i klinike izvan Republike), potrebnu za korištenjem te zaštite utvrđuje organ iz člana 17. stav 3. ovog pravilnika.

Ocjena utvrđena u smislu prethodnog stava dostavlja se doktoru medicine koji liječi osigurano lice i Zajednici.

Na osnovu ocjene iz stava 1. ovog člana doktor medicine će prije izdavanja uputnice uputiti osigurano lice u Zajednicu radi davanja izjave da će snositi razliku troškova liječenja nastalih izdavanjem uputnice na vlastiti zahtjev.

#### Član 24.

Kada osigurano lice koristi zdravstvenu zaštitu po vlastitom izboru radi dijagnosticiranja, ono tu zaštitu saglasno čl. 186. i 187. Statuta Zajednice koristi u zdravstvenim organizacijama — bolnicama i klinikama na području Republike i klinikama van područja Republike.

Potrebu za dijagnosticiranjem utvrđuje ljekar specijalista određene grane specijalnosti za koju se traži dijagnosticiranje.

Na osnovu potrebe utvrđene u smislu ovog člana osiguranom licu se izdaće uputnica, s tim da se osigurano lice upućuje u Zajednicu radi davanja izjave da će snositi razliku troškova dijagnosticiranja nastalih izdavanjem uputnice na vlastiti zahtjev.

#### Član 25.

Izjavu o snošenju razlike troškova liječenja i dijagnosticiranja nastalih izdavanjem uputnice na vlastiti zahtjev osigurano lice daje lično, ako je punoljetno, a za maloljetne članove porodice, daje roditelj — staralac, nosilac osiguranja. Izjavu za bračnog druga može dati drugi bračni drug, a za roditelje mogu dati punoljetna djeca.

Ocjenu o snošenju razlike troškova nastalih izdavanjem uputnice na vlastiti zahtjev za osigurano lice može dati i organizacija udruženog rada — radna zajednica gdje je osigurano lice zaposleno.

#### Član 26.

Osigurano lice prije davanja izjave o snošenju troškova razlike nastale izdavanjem uputnice na vlastiti zahtjev, predaje u Zajednici dokaz o uplati akontacije na ime razlike troškova nastalih izdavanjem uputnice na vlastiti zahtjev u visini utvrđenoj u odluci donesenoj od strane Izvršnog odbora Skupštine Zajednice.

#### Član 27.

Kad osigurano lice, koje je prilikom pružanja zdravstvenih usluga samo platilo korištene usluge podnese zahtjev Zajednici da mu se naknade plaće-

ni troškovi (član 193. Statuta Zajednice), uz takav zahtjev obavezno se prikaže račun o plaćenim troškovima i medicinska dokumentacija u vezi pružanja zdravstvenih usluga.

O zahtjevu iz prethodnog stava odlučuje rješenjem sekretar Zajednice, a po prethodno pribavljenom mišljenju medicinskog vještaka u Zajednici.

Protiv rješenja sekretara Zajednice osigurano lice može izjaviti žalbu Komisiji za prava osiguranika Skupštine Zajednice.

#### 4. Liječenje u prirodnim lječilištima

##### Član 28.

Ocjena o potrebi liječenja osiguranog lica u zdravstvenoj organizaciji koja u postupku liječenja i rehabilitacije koristi prirodni faktor (banjsko-klimatsko liječenje) utvrđuje se u Zajednici.

Ocjenu iz prethodnog stava utvrđuje ljekarska komisija, na prijedlog doktora medicine koji liječi osigurano lice isključivo na osnovu dokumentacije priložene uz prijedlog o potrebi liječenja.

Ljekarska komisija broji 3 člana i 3 zamjenika a imenuje je Izvršni odbor Skupštine Zajednice na vrijeme od 2 godine, s tim da niko ne može više od dva puta uzastopno biti imenovan u ljekarsku komisiju.

##### Član 29.

U Zajednici se odlukom Izvršnog odbora utvrđuje lista indikacija i kontraindikacija za liječenje iz stava 1. prethodnog člana koja sadrži i zdravstvene organizacije u kojima se osigurana lica mogu liječiti.

#### 5. Lijekovi

##### Član 30.

Lijekovi se propisuju i izdaju saglasno Pravilniku o načinu propisivanja i izdavanja lijekova.

Listu lijekova koji se mogu propisati na teret sredstava Zajednice, utvrđuje Izvršni odbor Skupštine Zajednice a ako se takva lista utvrdi u Republičkoj zajednici, primjenjuje se ta lista.

##### Član 31.

Ako je cijena propisanog lijeka manja od visine učešća osiguranog lica, osigurano lice plaća stvarnu cijenu lijeka.

##### Član 32.

Osigurano lice koje traži da mu se priznaju troškovi lijeka nabavljenog u inostranstvu u smislu člana 129. Statuta podnosi pismeni zahtjev Zajednici.

Uz zahtjev iz prethodnog stava osigurano lice dužno je dostaviti mišljenje univerzitetske klinike ili naučne institucije iz koje će biti vidljiva potreba upotrebe odnosno lijeka, sa potvrdom da je toj klinici odnosno naučnoj instituciji odobreno kliničko ispitivanje tog lijeka, podaci o količini lijeka koja je potrebna za dalje liječenje i način upotrebe lijeka, kao i originalni račun o izvršenju nabavci lijeka.

##### Član 33.

Osigurano lice koje propisani lijek za koji je od strane nadležnog organa dato odobrenje za stavljanje u promet u Jugoslaviji samo plati ili nabavi u

inostranstvu ima pravo da podnese zahtjev da mu se naknadi plaćeni iznos u visini koliko bi taj lijek bio plaćen u apoteci na području Zajednice.

##### Član 34.

Rješenje kojim se odlučuje o zahtjevu iz člana 32. ovog pravilnika donosi sekretar Zajednice, a rješenje po zahtjevu iz člana 33. ovlašćeni radnik u Zajednici.

#### III — OSTVARIVANJE ZDRAVSTVENE ZAŠTITE ZA VRIJEME BORAVKA U INOSTRANSTVU I UPUĆIVANJE NA LIJEČENJE U INOSTRANSTVO

##### Član 35.

Osigurana lica iz čl. 168. i 169. Statuta Zajednice zdravstvenu zaštitu u inostranstvu ostvaruju u skladu sa međunarodnim sporazumom ili konvencijom koja je zaključila ili kojoj je SFRJ pristupila, a na osnovu potvrde da će Zajednica snositi troškove zdravstvene zaštite koja bude korištena u inostranstvu i do kojeg obima.

Potvrda iz prethodnog stava izdaje se osiguranom licu prije odlaska u inostranstvo na osnovu nalaza i mišljenja medicinskog vještaka Zajednice o zdravstvenom stanju osiguranog lica.

Nalaz i mišljenje medicinski vještak daje na osnovu izvršenog uvida u zdravstveni karton i potrebne laboratorijske, rtg snimke i druge medicinske nalaze iz kojih se može pouzdano utvrditi zdravstveno stanje osiguranog lica.

##### Član 36.

Potvrda iz stava 1. prethodnog člana izdaje se osiguranom licu na osnovu pismenog zahtjeva koji se podnosi Zajednici, a uz zahtjev osigurano lice prilaže laboratorijske, rtg snimke i druge medicinske nalaze.

Zahtjev iz prethodnog stava između ostalog treba da sadrži podatke kada, u koju zemlju osigurano lice putuje i zbog čega putuje u inostranstvo.

##### Član 37.

Ukoliko iz nalaza i mišljenja medicinskog vještaka proizilazi da nema medicinske zapreke za odlazak osiguranog lica u inostranstvo, nadležni organ Zajednice će izdati potvrdu osiguranom licu da će Zajednica snositi i troškove zdravstvene zaštite koja bude korištena u inostranstvu i do kojeg obima.

Kopija potvrde iz prethodnog stava dostavlja se Republičkoj zajednici zdravstvene zaštite Sarajevo.

Na osnovu potvrde iz stava 1. ovog člana osigurano lice može ostvarivati zdravstvenu zaštitu u inostranstvu ako u inostranstvo otputuje u roku od 15 dana od dana izdavanja potvrde.

##### Član 38.

Ako iz nalaza i mišljenja medicinskog vještaka proizilazi da postoji medicinska zapreka za odlazak osiguranog lica u inostranstvo, nadležni organ Zajednice rješenjem odbija izdavanje potvrde.

##### Član 39.

Za osigurana lica iz člana 167. Statuta Zajednice (detaširani radnici), zahtjev za izdavanje potvrde u

smislu člana 35. ovog pravilnika podnosi organizacija udruženog rada koja upućuje radnika u inostranstvo.

Prilikom izdavanja potvrde u smislu prethodnog stava primjenjuje se postupak predviđen odredbama članova 35. do 37. ovog pravilnika.

Ako iz nalaza i mišljenja medicinskog vještaka proizilazi da postoji medicinska zapreka za odlazak osiguranog lica u inostranstvo, o tome se obavješta organizacija udruženog rada koja je podnijela zahtjev.

#### Član 40.

Osigurano lice iz čl. 168. i 169. Statuta Zajednice koje je zdravstvenu zaštitu koristilo na osnovu potvrde i samo platilo troškove korištene zdravstvene zaštite u obimu iz potvrde, može podnijeti Zajednici zahtjev za naknadu tih troškova.

Uz zahtjev osiguranog lica podnosi dokaze (račun) o visini plaćenih troškova kao i medicinsku i drugu dokumentaciju kojom se dokazuje da je zdravstvena zaštita korištena u slučaju neophodne ljekarske pomoći.

O zahtjevu iz stava 1. ovog člana odlučuje Zajednica rješenjem, s tim što obavezno pribavlja nalaz i mišljenje medicinskog vještaka o tome da li je zdravstvena zaštita u inostranstvu korištena u slučaju neophodne ljekarske pomoći.

Troškovi korištene zdravstvene zaštite u smislu ovog člana priznaju se u visini plaćenih troškova iz računa, a isplaćuju u dinarskoj protivvrijednosti pre-računatoj na dan plaćanja.

#### Član 41.

O zahtjevu osiguranog lica koje je zdravstvenu zaštitu u inostranstvu koristilo bez potvrde izdate u smislu člana 170. Statuta Zajednice, da mu se potvrda naknadno izda, odlučuje Zajednica po postupku predviđenom za izdavanje potvrde prije odlaska u inostranstvo.

#### Član 42.

O zahtjevu osiguranog lica koje je zdravstvenu zaštitu u inostranstvu koristilo bez potvrde i samo platilo troškove zdravstvenih usluga (a potvrda mu nije naknadno izdata) da mu se naknade troškovi tako korištene zdravstvene zaštite u visini koliko bi te troškove Zajednica platila da su zdravstvene usluge pružene u zdravstvenoj organizaciji u Jugoslaviji, u obimu prava na korištenje zdravstvene zaštite (član 173. Statuta Zajednice) odlučuje Zajednica rješenjem.

Prije donošenja rješenja iz stava 1. ovog člana obavezno se pribavlja nalaz i mišljenje medicinskog vještaka Zajednice o tome u kojoj bi se zdravstvenoj organizaciji u Jugoslaviji mogle pružiti iste zdravstvene usluge.

#### Upućivanje na liječenje u inostranstvo

#### Član 43.

Osigurana lica se upućuju na liječenje u inostranstvo pod uslovima i po postupku utvrđenim samoupravnim opštim aktom Republičke Zajednice.

Rješenje o upućivanju na liječenje u inostranstvo donosi sekretar Zajednice.

## IV — OSTVARIVANJE PRAVA IZ ZDRAVSTVENE ZAŠTITE

### 1. Naknada čistog ličnog dohotka

#### Član 44.

Radniku u organizaciji udruženog rada naknadu čistog ličnog dohotka koja se obezbjeđuje u Zajednici isplaćuje organizacija u skladu sa zakonom, Statutom Zajednice i ovim pravilnikom.

Isplaćeni iznos naknade organizacija udruženog rada naplaćuje (refundira) od Zajednice.

#### Član 45.

Obračun i isplatu naknade čistog ličnog dohotka koja pada na teret Zajednice organizacija udruženog rada vrši na osnovu:

1. izvještaja o trajanju privremene spriječenosti za rad,

2. potvrde o ostvarenom čistom ličnom dohotku koji je radnik ostvario u prethodnom obračunskom periodu prije nastupanja slučaja po kojem ostvaruje pravo na naknadu.

Kada se izvještaj iz tačke 1. prethodnog stava izdaje na osnovu nalaza, mišljenja i ocjene konzi-lija tada se uz izvještaj dostavlja i taj nalaz, mišljenje i ocjena.

#### Član 46.

Zahtjev za refundaciju isplaćenog iznosa uz dokumentaciju iz prethodnog člana ovog pravilnika organizacija udruženog rada podnosi Zajednici do 10. u mjesecu za naknade isplaćene u prethodnom mjesecu.

Zahtjev iz prethodnog stava podnosi se na obrascu zahtjeva za refundaciju naknade čistog ličnog dohotka isplaćene na teret sredstava Zajednice, koja sadrži podatke: prezime i ime radnika kojem je naknada isplaćena, za koji mjesec je isplaćena, vrijeme za koje je naknada isplaćena, iznos naknade koja je osiguranom licu isplaćena, datum kada je kontrola izvršena i potpis lica koje je izvršilo kontrolu.

Osim navedene dokumentacije uz zahtjev za refundaciju dostavlja se i plan korištenja radnog vremena.

Ukoliko uz zahtjev za refundaciju nije podnesena potrebna dokumentacija isti će se vratiti organizaciji radi kompletiranja dokumentacije u kom slučaju rok za isplatu teče od dana uredno primljene kompletne dokumentacije.

#### Član 47.

Zajednica je dužna izvršiti obračun i kontrolu po zahtjevu za refundaciju i isplatiti organizaciji udruženog rada iznos na ime refundacije u roku od 30 dana od dana uredno primljene kompletne dokumentacije, ili u istom roku obrazloženo osporiti u cjelosti ili djelimično zahtjev za refundaciju.

Ukoliko se u roku iz prethodnog stava ne izvrši refundacija, Zajednica je dužna o tome obavijestiti organizaciju udruženog rada uz navođenje razloga zbog kojih refundacija nije mogla biti izvršena.

Podnosilac zahtjeva za refundaciju koji smatra da nije bilo osnova za osporavanje, može tražiti da Zajednica preispita svoj stav, a u slučaju da i dalje smatra zahtjev opravdanim, može se obratiti sudu radi utvrđivanja osnovanosti ovog zahtjeva.

Potraživanje isplaćenog iznosa naknade ličnog dohotka koja se obezbjeđuje u Zajednici zastarijeva u roku utvrđenim Zakonom o obligacionim odnosima.

#### Član 48.

Osiguranim licima samostalnih djelatnosti i radnicima u radnom odnosu kod istih naknada čistog ličnog dohotka koja pada na teret sredstava zdravstvene zaštite isplaćuje Zajednica saglasno odredbama Statuta Zajednice.

Osiguranim licima samostalnih djelatnosti naknada čistog ličnog dohotka za vrijeme privremene spriječenosti za rad obračunava se i isplaćuje na osnovu izvještaja o trajanju privremene spriječenosti za rad i podataka o ostvarenom čistom ličnom dohotku koje Zajednica po službenoj dužnosti pribavlja od nadležne opštinske uprave prihoda.

Radnicima u radnom odnosu kod osiguranih lica samostalnih djelatnosti naknada čistog ličnog dohotka za vrijeme privremene spriječenosti za rad koja pada na teret sredstava zdravstvene zaštite obračunava se i isplaćuje na osnovu izvještaja o trajanju privremene spriječenosti za rad, i podataka o ostvarenom čistom ličnom dohotku.

Kada se izvještaj iz st. 2. i 3. ovog člana izdaje na osnovu nalaza, mišljenja i ocjene konzilija, tada se uz izvještaj dostavlja i ovaj nalaz, mišljenje i ocjena.

#### Član 49.

Na zahtjev radnika, koji smatra da je povrijeđeno njegovo pravo na naknadu ličnog dohotka koja se obezbjeđuje u Zajednici ili iz sredstava poslodavca, kao i na zahtjev poslodavca u vezi sa njegovom naknadom ličnog dohotka, u Zajednici se donosi rješenje.

#### Član 50.

U slučajevima iz člana 139. Statuta Zajednice obustavljanje isplate naknade čistog ličnog dohotka koja pada na teret Zajednice vrši se donošenjem rješenja u Zajednici.

Utvrđivanje činjenica na osnovu kojih se vrši obustava isplate naknade čistog ličnog dohotka vrši Zajednica na osnovu podataka zdravstvene organizacije, organizacije udruženog rada, odnosno druge organizacije ili zajednice, sekretarijata unutrašnjih poslova i drugih organa kao i na osnovu podataka do kojih sama dođe.

## 2. Naknada putnih troškova i druge naknade

### 2.1. Naknada putnih troškova

#### Član 51.

Naknada putnih troškova pripada osiguranim licima pod uslovima određenim Statutom Zajednice.

#### Član 52.

Naknada putnih troškova pripada osiguranom licu kad je od zdravstvene organizacije odnosno doktora medicine ili nadležnog organa zdravstvene organizacije upućen ili pozvan u drugo mjesto u vezi sa ostvarivanjem zdravstvene zaštite.

#### Član 53.

Visina naknade troškova prevoza željeznicom određuje se na osnovu važeće željezničke putničke tarife, bez posebnog dokaza o plaćenju cijeni prevoza.

Visina naknade troškova prevoza autobusom određuje se na osnovu karte o izvršenom prevozu koja se kao dokaz prilaže uz obračun putnih troškova, a ukoliko nema karte, na osnovu važeće tarife organizacije koja se bavi prevozom.

Pri određivanju visine naknade za troškove prevoza željeznicom uzimaju se u obzir i povlastice propisane željezničkom tarifom, a u slučaju kada je povlastica korištena, visina naknade utvrđuje se tako što se za iznos povlastice umanjuje propisana cijena prevoza.

#### Član 54.

U slučaju kada se osigurano lice radi pružanja hitne medicinske pomoći prevozi vlastitim prevoznim sredstvom na putu na kojem ne saobraćaju javna prevozna sredstva, odnosno saobraćaju ali se zbog hitnosti nisu mogla koristiti, osigurano lice pripada naknada troškova prevoza do najbliže zdravstvene organizacije, u kojoj je pružena hitna medicinska pomoć, u iznosu od 100% od najviše cijene za jedan litar benzina po predenom kilometru.

Potrebu prevoza na način iz prethodnog stava utvrđuje doktor medicine koji je pružio hitnu medicinsku pomoć.

#### Član 55.

Kao vrijeme provedeno na putu odnosno u drugom mjestu u smislu odredaba ovog pravilnika smatraće se:

a) u slučaju upućivanja u bolnicu ili u drugu stacionarnu zdravstvenu organizaciju — vrijeme provedeno na putu u polasku i povratku, računajući od polaska prevoznog sredstva javnog saobraćaja iz mjesta boravka do dolaska u mjesto liječenja i od polaska iz mjesta liječenja do dolaska u mjesto boravka,

b) u slučaju putovanja na ljekarski odnosno komisijski pregled ili ambulantno liječenje na koje je osigurano lice upućeno (specijalistički pregled, fizikalna terapija, rendgen zračenje, popravka zuba i sl) vrijeme provedeno na putu u polasku i povratku, računajući od polaska prevoznog sredstva javnog saobraćaja iz mjesta boravka do dolaska u mjesto upute, kao i vrijeme provedeno u mjestu liječenja odnosno pregleda.

Polazak i dolazak prevoznog sredstva javnog saobraćaja utvrđuje se prema postojećem redu vožnje za željeznički odnosno autobusni saobraćaj.

#### Član 56.

Pratiocu oboljelog osiguranog lica pripada naknada putnih troškova pod istim uslovima kao i osiguranom licu.

#### Član 57.

Naknadu putnih troškova obračunava i isplaćuje Zajednica na osnovu potvrde izabranog doktora medicine o potrebi putovanja u drugo mjesto radi pregleda i liječenja.

Ukoliko je osiguranom licu potreban pratilac, doktor će i tu okolnost potvrditi istom potvrdom, kao i navesti razlog zbog kojeg je pratilac potreban.

a potrebu za pratioцем može potvrditi i doktor stacionarne zdravstvene organizacije pri otpuštanju osiguranog lica sa stacionarnog liječenja.

Osim potvrde iz stava 1. ovog člana, osigurano lice je dužno dati i poseban dokaz da je u drugom mjestu u koje je upućeno stvarno i korištena zdravstvena usluga radi koje je upućeno u drugo mjesto. Zdravstvena organizacija u koju je osigurano lice upućeno može ovu činjenicu potvrditi na samom obrascu potvrde, a može o tome izdati i posebnu potvrdu. Kao dokaz o korištenju zdravstvene zaštite u drugom mjestu mogu se koristiti i druga pouzdana sredstva kao što su: otpusnica iz bolnice, nalaz i mišljenje doktora specijaliste i slično.

Osigurano lice nema pravo na naknadu putnih troškova kada je putovanje u drugo mjesto poduzelo na svoju ruku, pa zbog toga nije ostvarilo zdravstvenu zaštitu.

## 2.2. Naknada pogrebnih troškova

### Član 58.

Naknada pogrebnih troškova isplaćuje se na osnovu dokaza o smrti osiguranog lica (izvod iz matične knjige umrlih).

Naknada troškova prevoza posmrtnih ostataka osiguranog lica isplaćuje se na osnovu dokaza o izvršenom prevozu.

## 2.3. Dospjelogost prava na novčane naknade

### Član 59.

Prava na pojedine novčane naknade dopijevaju i to:

1. Pravo na naknadu čistog ličnog dohotka: — posljednjeg dana za koji osiguranom licu pripada naknada čistog ličnog dohotka ako privremena spriječenost za rad traje kraće od mjesec dana, — posljednjeg dana u mjesecu ako privremena spriječenost za rad traje duže od mjesec dana,
2. Naknada putnih troškova — prvog narednog dana po završetku putovanja u drugo mjesto,
3. Naknada troškova prevoza posmrtnih ostataka — prvog narednog dana po obavljenom prevozu.

## V — NAČIN I POSTUPAK UTVRĐIVANJA PRIVREMENE SPRIJEČENOSTI ZA RAD ZBOG BOLESTI ILI POVREDE

### Član 60.

Privremenu spriječenost za rad zbog bolesti ili povrede utvrđuje zdravstvena organizacija na način i po postupku utvrđenom samoupravnim opštim aktom Republičke zajednice kojim se uređuje način, postupak i kriterijumi za utvrđivanje privremene spriječenosti za rad.

## VI — ORTOPEDSKA I DRUGA POMAGALA

### 1. Ortopedska, ortotička i druga pomagala

#### Član 61.

Pravo na ortopedska i druga pomagala utvrđena samoupravnim opštim aktom Zajednice osigurana lica ostvaruju na način i po postupku utvrđenim ovim pravilnikom.

#### Član 62.

Potreba za ortopedskim i drugim pomagalicama (u daljem tekstu: pomagala) utvrđuje se u zdravstvenoj organizaciji na području Zajednice od strane doktora medicine odgovarajuće grane specijalnosti.

#### Član 63.

Zdravstvena organizacija izdaje osiguranom licu na propisanom obrascu prijedlog za izradu odnosno nabavku odgovarajućeg pomagala.

Prijedlog iz stava 1. ovog člana mora da sadrži sve potrebne medicinske i tehničke elemente za izradu pomagala.

Na osnovu prijedloga iz stava 1 ovog člana Zajednica daje odobrenje za izradu odnosno nabavku pomagala.

#### Član 64.

Ukoliko je osigurano lice prema odredbama samoupravnog opšteg akta Zajednice obavezno da učestvuje u snošenju dijela troškova za nabavku pomagala, iznos s kojim osigurano lice učestvuje u nabavci pomagala označice se na potvrdi kojom je dato odobrenje za nabavku pomagala, uz napomenu da taj dio troškova plaća osigurano lice neposredno isporučiocu pomagala.

#### Član 65.

Prijedlog sa odobrenjem za nabavku pomagala zdravstvena organizacija ili osigurano lice dostavlja specijalizovanoj radnoj organizaciji koja proizvodi takva pomagala radi narudžbe i isporuke.

Ako se radi o pomagalu koje se serijski proizvodi i prodaje na tržištu, prijedlog za nabavku takvog pomagala uručuje se osiguranom licu da samo izvrši nabavku.

#### Član 66.

Osigurano lice ima pravo na naknadu putnih troškova u slučajevima kada je upućeno ili pozvano u drugo mjesto radi uzimanja mjere za izradu pomagala ili radi neophodne provjere (probe) funkcionalne podobnosti odnosno upotrebljivosti pomagala.

#### Član 67.

Osiguranim licima obezbjeđuje se izrada pomagala u skladu sa propisima za tipove i standarde.

Pomagalo koje se izrađuje po mjeri može se izdati osiguranom licu kada se putem stručne kontrole utvrdi da je dobrog kvaliteta i da je upotrebljivo prema svojoj namjeni.

#### Član 68.

Osigurana lica mogu na teret sredstava zdravstvene zaštite dobiti samo ona pomagala koja su utvrđena opštim aktom Zajednice i koja se mogu nabaviti u Jugoslaviji.

Ako osigurano lice želi nabaviti potrebno pomagalo u inostranstvo ili pomagalo drugačijeg oblika i kvaliteta nego što je pomagalo propisano Statutom Zajednice (odnosno pomagalo po obliku i kvalitetu kakvo se može nabaviti u Jugoslaviji) Zajednica će snositi troškove do visine cijene standardnog pomagala propisanog Statutom Zajednice.

## Član 69.

Pomagala se koriste u rokovima utvrđenim u Zajednici.

Rok upotrebe pomagala počinje teći od dana uručivanja pomagala osiguranom licu, a za pomagala za koja postoji garantni rok, od dana isteka garantnog roka.

## Član 70.

Prije isteka roka trajanja pomagala izradiće se osiguranom licu novo pomagalo, odnosno popraviti će se već dato pomagalo ako je neupotrebljivost pomagala nastala usljed anatomskih ili funkcionalnih promjena, odnosno ako je neupotrebljivost pomagala nastala poslije isteka garantnog roka za pojedina pomagala usljed neizdržljivosti materijala od kojeg je ono izrađeno.

## Član 71.

Neupotrebljivost postojećeg pomagala zbog nastupanja anatomskih odnosno funkcionalnih promjena kod osiguranog lica ili zbog neizdržljivosti materijala od koga je izrađeno kao i potrebu izrade odnosno nabavke novog ili popravke postojećeg pomagala prije isteka propisanog roka trajanja cijeni na osnovu zahtjeva osiguranog lica medicinski vještak. Za jednice po prethodno pribavljenom mišljenju doktora medicine odgovarajuće specijalnosti.

Zahtjev iz prethodnog stava podnosi se Zajednici koja po službenoj dužnosti pribavlja mišljenje od nadležnog stručno-medicinskog organa.

Ako je prema ocjeni nadležnog medicinskog vještaka zahtjev za nabavku novog ili popravku postojećeg pomagala prije isteka propisanog roka trajanja opravdan, Zajednica će odobriti nabavku novog odnosno popravku postojećeg pomagala.

## Član 72.

Ortotska sredstva (aparati za gornje i donje ekstremitete, korzeti, mideri i sl) dobija osigurano lice kome su ona potrebna radi omogućavanja oslonca, sprečavanja nastupanja deformiteta, korigovanja deformiteta i kontrolisanja nevoljnih pokreta.

Ortotska sredstva izrađuju se od standardnog materijala i od metala, kože, plastične mase, gume i tekstila.

## Član 73.

Stake, kao pomoćno pomagalo osigurano lice dobija ako se istim omogućuje ili poboljšava kretanje, stajanje i hod.

## Član 74.

Osiguranom licu, kome je utvrđena potreba za korekcionim staklima propisuju se sferne cilindrične ili torus leće, a u slučaju dioptrije plus ili minus 6 i veće, mogu se propisati lentikularna ili plastična stakla.

## Član 75.

Osigurano lice dobija očne proteze i to:

1. punu — u slučaju anofranusa,
2. ljuspastu — u slučaju djelimičnog odstranjenja ili atrofije očne jabučice,

3. arbutalnu — u slučaju kad pored nedostatka očne jabučice postoji i unakaženje spoljašnjih dijelova oka.

Očnu povesku dobija osigurano lice u slučaju unakaženja oka.

Naočare sa tamnim staklima od plastične mase dobija slijepo osigurano lice.

## Član 76.

Invalidska kolica dobija osigurano lice:

1. kome su amputirane obje noge ispod koljena, a protetisanje je nemoguće ili je kontraindicirano iz medicinskih razloga;

2. kome su amputirane obje noge iznad koljena;

3. kome je amputirana jedna noga, a zbog progresivnog oboljenja i predviđanja pogoršanja stanja i druge noge ne može se omogućiti hod i izvršiti protetisanje;

4. koje ima kompletnu oduzetost donjih ekstremiteta, ako i pored aparata veći dio vremena provodi u kolicima;

5. koje ima teške deformativne ili upalne procese na velikim zglobovima donjih ekstremiteta, a usljed čega mu je kretanje potpuno onemogućeno;

6. koje ima kompletnu istostranu oduzetost ruke ili noge, a osposobljavanje za stajanje nije indicirano iz drugih medicinskih razloga (srčana oboljenja i slično).

U slučajevima iz stava 1. ovog člana, osigurano lice dobija na upotrebu po svom izboru sobni ili poljski tip kolica, pod uslovom da prema ocjeni nadležnog doktora medicine ima potrebnu fizičku kondiciju ruku te intelektualnu i psihičku sposobnost za upravljanje poljskim kolicima.

## Član 77.

Osiguranom licu kod koga postoji i obostrani gubitak sluha preko 40 decibela, a kome se sluh liječenjem ne može poboljšati ispod te granice, ako se tonalnim i vokalnim audiometrijskim ispitivanjem, kao i testiranjem karakteristika amplifikatora utvrdi da se može postići zadovoljavajući rehabilitacioni efekat obezbjeđuje se aparat za pojačanje sluha (amplifikator).

Slušni aparat se obezbjeđuje:

1. djeci predškolskog uzrasta preko dvije godine života, ako se s obzirom na mentalno stanje i stepen oštećenja sluha može očekivati razvoj govora uz provođenje stručnog rehabilitacionog postupka sa slušnim aparatom;

2. djeci na školovanju, ako im se tim aparatom omogućava praćenje nastave;

3. gluhonijemoj djeci u slučajevima, kad se može olakšati praćenje nastave u specijalnim odjeljenjima za nagluvu djecu ili u zavodima za takvu djecu;

4. ostalim osiguranim licima kad upotreba slušnog aparata omogućava povoljniji rehabilitacioni efekat ili radni odnosno socijalni kontakt.

## Član 78.

Slušni aparat dobija osigurano lice na osnovu nalaza i mišljenja audiološkog centra ili ljekara specijaliste za bolesti uha, grla i nosa koji ima mogućnosti da vokalnim i tonalnim audiološkim ispitivanjem, kao i stručnim testiranjem karakteristika slušnog aparata, odredi rehabilitacioni efekat i osigura rehabilitacioni postupak i na osnovu toga utvrdi potrebu za obezbjeđenjem aparata elektro-akustičkih karakteristika, koji će najbolje odgovarati u datom slučaju oštećenju sluha.

## Clan 79.

Pod uslovima iz člana 77. ovog pravilnika osigurano lice ima pravo na jedan od standardnih oblika slušnog aparata koji se u obliku i kvalitetu može nabaviti u Jugoslaviji.

Kad osigurano lice traži da mu se odobri slušni aparat drugog oblika (ugrađen u naočare, šnale i slično) Zajednica snosi troškove do visine cijene standardnog slušnog aparata, a razliku osigurano lice.

## Clan 80.

Po isteku garantnog roka, obezbjeđuju se osigurano lice dijelovi slušnog aparata koji su usljed upotrebe dotrajali, odnosno opravka aparata u slučaju kvara do kojeg je došlo bez krivice u rukovanju od strane osiguranog lica.

## Clan 81.

Prije isteka roka trajanja slušnog aparata utvrđenog Statutom Zajednice, osigurano lice dobija novi slušni aparat ako je neupotrebljivost ranije datog aparata nastala usljed povrede na radu ili ako je došlo do promjene sluha u tolikoj mjeri da se datim aparatom ne postiže zadovoljavajuće poboljšanje sluha.

Po isteku roka trajanja slušnog aparata i osigurano lice ima pravo na novi slušni aparat, ako se utvrdi da je ranije dati aparat postao neupotrebljiv i da se ne može opravkom osposobiti za upotrebu. Da li je slušni aparat upotrebljiv i nakon predviđenog roka trajanja utvrđuje doktor specijalista.

## Clan 82.

Aparat za omogućavanje glasnog govora (vještački grkljan na osnovu električnog vibratora — megafon) dobija osigurano lice koje je trajno izgubilo moć govora, ako se testiranjem utvrdi da se pomoću takvog aparata može postići zadovoljavajući rehabilitacioni efekat, a učenje ezafalnog govora nije dalo zadovoljavajući rezultat.

Aparat za omogućavanje glasnog govora osigurano lice dobija na osnovu nalaza i mišljenja klinike za bolesti uha, grla i nosa koja propisuje ovu vrstu pomagala.

Osigurano lice se obezbjeđuju i dijelovi aparata kao i potrebne opravke na način predviđen za slušna pomagala.

## Clan 83.

Endotrahealnu kanilu dobija osigurano lice kod kojeg je izvršena traheotomija.

Raspršivač i inhalator dobija osigurano lice koje boluje od dugotrajnih respiratornih oboljenja s neprekidnim disajnim tegobama.

Gumeno crijevo i lijevak za vještačku ishranu dobija osigurano lice koje se hrani vještačkim putem preko otvora na zidu želuca.

Kesu za mokraću dobija osigurano lice kod koga se po savremenim metodama liječenja ne može regulisati voljno pražnjenje mokraćne bešike.

Stalni kateter dobija osigurano lice kod koga je nemoguće pražnjenje mokraćne bešike putem slobodne drenaže.

Pojas sa kesom za izmet dobija osigurano lice kod koga se crijevo prazni preko vještačkog otvora na trbušnom zidu.

## Clan 84.

Plastične šprice sa iglama za jednokratnu upotrebu dobija osigurano lice koje boluje od šećerne bolesti, ako je indicirano davanje insulina i ako je osigurano lice obučeno za davanje insulina.

Ketoglur test daje se osigurano lice kada po ocjeni doktora medicine — specijaliste postoji potreba da se to osigurano lice izda.

## Clan 85.

Ne smatraju se pomagala sprave i aparati koji se osigurano lice prilikom pružanja zdravstvene zaštite kao sastavni dio te zaštite ugrađuju privremeno ili trajno u dijelove tijela, koja stimuliraju funkciju organa i sistema organa, kojima se nadoknađuje dio izgubljene funkcije organa ili sistema organa, kao što su:

1. osteosintetski fiksacioni materijal,
2. vještački zglobovi,
3. aparat za korekciju urođenog iščašenja kuka,
4. srčani elektrostimulator (pace mecker),
5. arteriovezni spoj (A-V-SHUNT i A-V FISTULA),
6. sistema za derivaciju moždane tečnosti.

## 2. Zubno-protetska pomagala

## Clan 86.

Sve vrste navlaka stavljaju se u svim slučajevima kada za to postoje medicinske indikacije.

## Clan 87.

Totalna proteza ugrađuje se osigurano lice u slučajevima totalne bezubosti gornje ili donje vilice.

## Clan 88.

Parcijalna proteza ugrađuje se osigurano lice u svim slučajevima djelimične bezubosti gdje postoji indikacija za te radove, a kontraindikacija za fiksni protetski rad.

## Clan 89.

Zubno-protetska pomagala izrađuju se od standardnih materijala.

Kao standardni materijal smatraju se:

1. za izradu navlaka — poluplemenite metalne legure (auropal, palador, legure na bazi kobalt-krom-molibden naziva Wironit ili Wissil), vještačke smole ili porculan,
2. za izradu zglobovne veze — oplemenjene legure,
3. za izradu mobilnog protetskog rada (parcijalne ili totalne proteze — vještačka smola, ili poluplemenite metalna legura na bazi kobalt-krom-molibdena-Wironit ili Wissil)
4. za izradu privremene imedijatne totalne ili parcijalne proteze — vještačka smola.

## Clan 90.

Na zahtjev osiguranog lica zdravstvena organizacija na propisanom obrascu podnosi Zajednici prijedlog za izradu zubno-protetskog pomagala.

Prijedlog za izradu zubno-protetskog pomagala može dati samo doktor stomatologije sa položenim stručnim ispitom, odnosno specijalista protetičar.

Odobrenje za izradu zubno-protetskog pomagala daje Zajednica kod koje je osigurano lice prijavljeno na zdravstvenu zaštitu.

Ako je Statutom Zajednice ili drugim opštim aktom Zajednice predviđeno učešće osiguranog lica u snosjenju dijela troškova obrade zubno-protetskog pomagala, na odobrenju za izradu naznačena je visina te obaveze.

Dio troškova iz prethodnog stava osigurano lice plaća neposredno zdravstvenoj organizaciji prilikom predaje zubno-protetskog pomagala.

#### Član 91.

Rokovi trajanja zubno-protetskih pomagala teku od dana kada je osiguranom licu predato zubno-protetsko pomagalo.

Novo istovrsno zubno-protetsko pomagalo osigurano lice dobija samo kada se utvrdi da je dotadašnje postalo neupotrebljivo.

#### Član 92.

Prije isteka utvrđenog roka trajanja osiguranom licu odobriće se izrada novog zubno-protetskog pomagala samo kada je postojeće postalo neupotrebljivo usljed anatomske-patoloških ili funkcionalnih promjena.

Opravdanost izrade novog zubno-protetskog pomagala u smislu prethodnog stava cijeni vještak kojeg odredi Zajednica.

#### Član 93.

Ako osigurano lice zahtijeva da mu se zubno-protetsko pomagalo izradi od nekog vanstandardnog skupljeg materijala (zlato i slično) kojim raspolaže zdravstvena organizacija, Zajednica će snositi troškove izrade takvog pomagala samo do iznosa koji odgovara vrijednosti odnosno pomagala izrađenog od standardnog materijala računajući do 1,80 grama paladera po jednom zubu odnosno navlaci, a razliku snosi osigurano lice.

U slučaju da je zubno-protetsko pomagalo izrađeno od skupocijenog materijala kojeg je nabavilo osigurano lice, zdravstvena organizacija će osiguranom licu isplatiti iznos koji pada na teret Zajednice u visini cijene odnosno pomagala izrađenog od standardnog materijala.

#### Član 94.

Ne smatraju se protetskim pomagala:

1. ortodonski aparati,
2. opturatori — stimulatori kod rascjepa nepca,
3. šine kod paradentopatije,
4. nagrizne ploče kod subluksacije donje vilice.

Aparati i sprave iz prethodnog stava obezbjeđuju se osiguranim licima kao sastavni dio zubne zdravstvene zaštite na osnovu ocjene i mišljenja specijaliste određene grane zubne zdravstvene zaštite i za njihovu izradu ne sprovodi se postupak propisan u članu 90. ovog pravilnika.

### VII — PRELAZNE I ZAVRŠNE ODREDBE

#### Član 95.

Ovaj pravilnik stupa na snagu osmog dana od dana objavljivanja u »Službenom listu SRBiH«.

#### Član 96.

Danom stupanja na snagu ovog pravilnika pre staje da važi Pravilnik o uslovima i postupku ostvarivanja zdravstvene zaštite i drugih prava iz zdravstvene zaštite (»Službeni list SRBiH«, broj 11/85).

Reg. broj 01-178

3. marta 1988. godine

Bosanski Brod

Predsjednik

Skupštine Zajednice,

Stevo Marinković, s. r.

### Samoupravna interesna zajednica zdravstvene zaštite Konjic

Na osnovu člana 98. Zakona o zdravstvenoj zaštiti (»Službeni list SRBiH«, broj 18/86), Zakona o finansiranju zajedničkih potreba (»Službeni list SRBiH«, br. 40/79 i 22/83), te člana 30. Statuta Samoupravne interesne zajednice zdravstvene zaštite Konjic, (»Službeni list SRBiH«, broj 29/82), Skupština Samoupravne interesne zajednice zdravstvene zaštite Konjic, na sjednici održanoj 11. marta 1988. godine, donijela je

## ODLUKU

### O STOPAMA DOPRINOSA ZA ZDRAVSTVENU ZAŠTITU ZEMLJORADNIKA U 1988. GODINI

#### Član 1.

Doprinos za zdravstvenu zaštitu zemljoradnika koji se obračunava na lični dohodak od poljoprivredne djelatnosti, kao i lični dohodak od drugih privrednih djelatnosti, ako prihod od tih djelatnosti podliježu plaćanju poreza iz ličnog dohotka, plaćaju obveznici doprinosa i to:

- a) osiguranici zemljoradnici — po stopi od 138,59%
- b) osiguranici radnici i radni ljudi samostalnih djelatnosti koji imaju lični dohodak od poljoprivredne djelatnosti — po stopi od 70%.

#### Član 2.

Ovom odlukom stavlja se van snage Odluka o stopama doprinosa za zdravstvenu zaštitu zemljoradnika koja je objavljena u »Službenom listu SRBiH«, broj 4/87 od 28. februara 1987. godine.

#### Član 2.

Ova odluka stupa na snagu osmog dana od dana objavljivanja u »Službenom listu SRBiH« a primjenjuje se od 1. januara 1988. godine.

Broj 01-184/88

11. marta 1988. godine

Konjic

Predsjednik Skupštine,

Bosiljka Žuža, s. r.

### Samoupravna interesna zajednica zdravstvene zaštite Sarajevo

Na osnovu člana 163. Statuta Samoupravne interesne zajednice zdravstvene zaštite Sarajevo (»Službeni list SRBiH«, br. 21/82, 6/83, 17/83, 1/84 i 12/85), Skupština Samoupravne interesne zajednice zdravstvene zaštite Sarajevo, na sjednici održanoj dana 29. februara 1988. godine, donosi

## ODLUKU

**O USLOVIMA I NAČINU OSTVARIVANJA PRAVA NA LIJEČENJE I REHABILITACIJU U INSTITUTIMA, ZAVODIMA, CENTRIMA I BOLNICAMA SPECIJALIZOVANIM ZA SPROVOĐENJE KOMPLETNE FIZIOTERAPIJE — REHABILITACIJE UZ PRIMJENU SAVREMENIH MEDICINSKIH DOSTIGNUĆA I UZ PRIMJENU PRIRODNOG FAKTORA**

## Član 1.

Ovom odlukom utvrđuju se bliži uslovi i način ostvarivanja prava na liječenje i rehabilitaciju na institutima, zavodima, centrima i bolnicama specijalizovanim za sprovođenje kompletne medicinske rehabilitacije kako u toku trajanja kliničkog liječenja, tako i medicinske rehabilitacije koja započinje neposredno po završetku kliničkog liječenja i nastavlja se u institutima, zavodima, centrima i bolnicama specijalizovanim za provođenje kompleksne fizioterapije — rehabilitacije uz primjenu savremenih medicinskih dostignuća.

Izuzetno, od prethodnog stava, Odlukom se utvrđuju bliži uslovi i način ostvarivanja prava na liječenje i medicinsku rehabilitaciju u institutima, zavodima, centrima i drugim zdravstvenim organizacijama specijalizovanim za sprovođenje kompletne medicinske rehabilitacije uz primjenu prirodnog faktora sa kojima SIZ zdravstvene zaštite Sarajevo zaključi poseban samoupravni sporazum o slobodnoj razmjeni rada, ili posebnom odlukom utvrdi koje su to zdravstvene organizacije, koje uz primjenu prirodnog faktora, sprovode kompleksnu fizioterapiju — rehabilitaciju i liječenje prema »Listi indikacija i kontraindikacija«.

## Član 2.

Osigurana lica Samoupravne interesne zajednice zdravstvene zaštite Sarajevo prilikom liječenja u zdravstvenim organizacijama (klinikama, institutima, zavodima i bolnicama) na području Zajednice u slučaju povrede ili oboljenja imaju pravo na ranu medicinsku rehabilitaciju, koja se obavezno provodi kod hirurških oboljenja i povreda u okviru zdravstvene organizacije (klinike, bolnice) koja je primila na liječenje.

Radi racionalnijeg i bržeg toka liječenja zdravstvena organizacija (klinika, bolnica ili druga zdravstvena organizacija koja pruža visokodiferenciranu zdravstvenu zaštitu) obavezno utvrđuje prije isteka dvije trećine vremena liječenja bolesnika potrebu i hitnost rane medicinske rehabilitacije kao i specijalizovanu zdravstvenu organizaciju za sprovođenje fizioterapije — medicinske rehabilitacije.

Pravo na ranu medicinsku rehabilitaciju u slučajevima iz st. 1. i 2. ovog člana osigurano lice ostvaruje na osnovu mišljenja konzilijuma klinike, bolnice ili druge zdravstvene organizacije koja provodi visokodiferenciranu zdravstvenu zaštitu, koji sačinjavaju predsjednik poslovnog organa i dva ljekara specijalista dotične grane medicine, a konačnu odluku donosi Ljekarska komisija Zajednice.

## Član 3.

Konzilijum ljekara i Ljekarska komisija iz prethodnog člana, obavezno utvrđuju da li se kompleksna fizioterapija — medicinska rehabilitacija može provoditi ambulantno, ili se takva rehabilitacija s obzirom na prirodu oboljenja i hirurškog zahvata obave-

žno provodi u stacionarnoj zdravstvenoj organizaciji, koja je stručno osposobljena i registrovana kao zdravstvena organizacija visokodiferencirane zdravstvene zaštite za provođenje kompleksne fizioterapije — medicinske rehabilitacije, te o tome Komisija izdaje ocjenu.

## Član 4.

Na prijedlog konzilijuma ljekara, Ljekarska komisija Zajednice ocjenjuje potrebu upućivanja na ranu medicinsku rehabilitaciju osiguranika radnika (radnici u radnom odnosu), koji su zbog povrede ili profesionalnog oboljenja smješteni na kliniku, institut ili zavod (zdravstvena organizacija visokodiferencirane zdravstvene zaštite), a kojima je zbog prirode oboljenja ili hirurškog zahvata, neophodna medicinska rehabilitacija, u specijalizovane stacionarne zdravstvene organizacije (zavode, institute, centre i bolnice) koje su stručno-medicinski osposobljene i registrovane za provođenje kompleksne medicinske rehabilitacije uz primjenu prirodnog faktora.

Liječenje u smislu prednjeg stava po pravilu započinje prije isteka dvije trećine vremena liječenja bolesnika na odgovarajućoj klinici, s tim što Ljekarska komisija u odluci utvrđuje dužinu liječenja i način prevoza bolesnika od klinike do specijalizovane zdravstvene organizacije za medicinsku rehabilitaciju u koju se upućuje.

## Član 5.

Na osigurana lica koja koriste zdravstvenu zaštitu prema odredbama ove odluke, primjenjuje se Odluka o učešću osiguranih lica u troškovima korištenja pojedinih vidova zdravstvene zaštite (»Službeni list SRBIJE«, br. 34/87 i 42/87).

## Član 6.

Osiguranci — radnici u radnom odnosu i sa njima izjednačena lica, članovi njihovih porodica, korisnici penzija i članovi njihove porodice, prilikom liječenja i medicinskih ispitivanja u zdravstvenim organizacijama (klinikama, institutima, zavodima i bolnicama) u slučajevima kada im je zbog prirode oboljenja neophodna rana medicinska rehabilitacija, ostvaruju specijalizovanu rehabilitaciju u specijalizovanim zdravstvenim organizacijama (institutima, zavodima, centrima i bolnicama) koje u liječenju primjenjuju prirodni faktor, na način i uslovima utvrdjenim ovom odlukom.

Zdravstvena organizacija (klinika, institut, zavod, bolnica ili druga zdravstvena organizacija koja pruža visokodiferenciranu zdravstvenu zaštitu) obavezno utvrđuje prije isteka dvije trećine vremena liječenja bolesnika, potrebu i hitnost provođenja rane medicinske rehabilitacije kao i specijalizovanu zdravstvenu organizaciju za sprovođenje fizioterapije.

Mišljenje o potrebi i hitnosti provođenja rane medicinske rehabilitacije izdaje konzilijum klinike, bolnice i druge zdravstvene organizacije koja provodi visokodiferenciranu zdravstvenu zaštitu iz člana 2. stav 2. ove odluke, a konačnu odluku donosi Ljekarska komisija Zajednice, koja istovremeno utvrđuje da li se kompleksna fizioterapija — medicinska rehabilitacija može obaviti ambulantno ili se takva rehabilitacija s obzirom na prirodu oboljenja obavezno provodi u stacionarnoj zdravstvenoj organizaciji, koja je stručno-medicinski osposobljena i u sudu registrovana kao zdravstvena organizacija koja obezbjeđuje liječenje i medicinsku rehabilitaciju uz korištenje

prirodnog faktora liječenja, a istovremeno utvrđena odlukom Skupštine u smislu člana 1. stav 2. ove odluke.

#### Član 7.

Izuzetno od odredaba prethodnog člana, potrebu upućivanja korisnika u stacionarnu zdravstvenu organizaciju (zavod, institut, centar, bolnicu i druge) specijalizovanu za provođenje kompleksne medicinske rehabilitacije uz primjenu prirodnog faktora liječenja, cijeni ljekar specijalista odgovarajuće specijalnosti.

Ljekar iz stava 1. ovog člana dostavlja obrazložen prijedlog na propisanom obrascu sa potrebnom medicinskom dokumentacijom Ljekarskoj komisiji, koja utvrđuje potrebu liječenja u specijalizovanoj zdravstvenoj organizaciji (zavodu, institutu, centru, bolnici) koja primjenjuje prirodni faktor, dužinu liječenja, potrebu pratioca i način prevoza.

Ljekarska komisija Zajednice odobriće liječenje u smislu odredaba ovog člana samo u slučajevima kada je to liječenje — medicinska rehabilitacija indicirana u smislu Liste o indikacijama i kontraindikacijama i kada zbog prirode oboljenja nije se mogla postaviti neposredno poslije kliničkog liječenja i ispitivanja.

#### Član 8.

Protiv ocjene Ljekarske komisije osigurano lice ima pravo prigovora Komisiji za rješavanje o pravima osiguranika u drugom stepenu.

#### Član 9.

Osigurana lica, kada koriste liječenje u stacionarnim zdravstvenim organizacijama (zavodima, institutima, centrima, bolnicama i drugim) specijalizovanim za provođenje kompleksne medicinske rehabilitacije uz primjenu prirodnog faktora liječenja prema odredbama člana 1. stav 2, čl. 6 i 7. ove odluke, učestvuju u troškovima korištenja takvog liječenja sa 70% (sedamdeset procenata) u skladu sa odredbama Odluke o učešću osiguranih lica u troškovima korištenja pojedinih vidova zdravstvene zaštite.

#### Član 10.

Medicinska rehabilitacija i liječenje koje se odobrava po ovoj odluci traje od 21 do 30 dana.

#### Član 11.

Troškove liječenja osiguranih lica u specijalizovanim zdravstvenim organizacijama koje primjenjuju prirodni faktor liječenja, mimo odredaba ove odluke ne snosi Samoupravna interesna zajednica zdravstvene zaštite Sarajevo.

#### Član 12.

Ovom odlukom stavlja se van snage Odluka o korištenju prirodnih ljčilišta radi ostvarivanja medicinske rehabilitacije i liječenja objavljene u »Službenom listu SRBIH«, broj 31/82).

#### Član 13.

Ova odluka stupa na snagu narednog dana od dana objavljivanja u »Službenom listu SRBIH«.

Broj 04-29/88

29. februara 1988. godine  
Sarajevo

Predsjednik Skupštine  
Franjo Tomić, s. r.

## LISTA INDIKACIJA I KONTRAINDIKACIJA ZA LIJEČENJE U ZDRAVSTVENIM ORGANIZACIJAMA ZA SPROVOĐENJE KOMPLEKSNE MEDICINSKE REHABILITACIJE

### I

#### OPŠTE KONTRAINDIKACIJE:

1. Potreba za njegom od strane drugog lica,
2. Nesposobnost za samostalni prevoz sredstvima javnog saobraćaja,
3. Akutna faza bolesti,
4. Infektivna oboljenja,
5. Klionoštvo i parazitna oboljenja,
6. Mogućnost pogoršanja osnovne bolesti (TBC),
7. Endogene psihoze,
8. Akutni i hronični psihosindrom i poremećaj ličnosti,
9. Ovisnosti i asocijalnosti,
10. Maligni procesi,
11. Progredijentna neurološka oboljenja sa sumovima,
12. Venerične bolesti,
13. Graviditet,
14. Srčane dekompenzacije,
15. Epilepsija,
16. Apsolutne aritmije,
17. Fokaloze,
18. Bolesti metabolizma u odmaklom stadijumu,
19. Adipoznost,
20. Svi oblici aktivne TBC,
21. Inkontinencije u težem obliku,
22. Krvavljenje bilo kojeg porijekla,
23. Pogoršanje postojećeg patološkog stanja do poziva na medicinsku rehabilitaciju,
24. Bitne promjene u dijagnozi do poziva na rehabilitaciju,
25. Interkurentni upalni procesi,
26. Akutno pogoršanje nekog od pratećih oboljenja.

### II

Kontrolni pregled kod ordinirajućeg lekara neposredno prije nastupanja na medicinsku rehabilitaciju je obavezan radi isključivanja postojanja bilo koje od navedenih kontraindikacija.

## LISTA INDIKACIJA I SPECIJALNIH KONTRAINDIKACIJA PO SISTEMIMA

#### Indikacije:

##### Kardiovaskularna oboljenja

1. Stanje poslije infarkta miokarda nakon kliničkog liječenja u toku prvih 2 — 3 godine,
2. Ishetično srčano oboljenje u periodu prve 2 — 3 godine,
3. Stanje poslije operacije na srcu 3 mjeseca nakon operativnog zahvata,
4. Funkcionalne i organske angiopatije bez većih trofičnih promjena,
5. Stanje poslije cerebralne insuficijencije i apopleksije 8 do 10 mjeseci po završenom kliničkom liječenju,
6. Hipertenzije lakšeg oblika u stabilizovanom stanju,
7. Posttrombotični sindrom.

#### Kontraindikacije:

1. Poremećaji ritma nakon infarkta miokarda,
2. Mitralne stenoze III i IV stepena,
3. Teži oblici angine pectoris,
4. Kongenitalne srčane mane,
5. Totalni AV blok i paroksizmi,
6. Arterijalne opstrukcije sa trofičkim promjenama,
7. Evolutivni endokarditis i miokarditis,

8. Uznapredovale arterioskleroze,
9. Limfedema,
10. Sklonost trombozama i tromboflebitis,
11. Verikozni sindrom.

**Respiratorni sistem****Indikacije:**

1. Hronična i subakutna oboljenja gornjeg dijela respiratornog trakta (uho, grlo, nos),
2. Hronična i subakutna oboljenja gornjeg dijela respiratornog trakta,
3. Alergijska oboljenja respiratornog trakta,
4. Stanje poslije operativnog liječenja respiratornih organa u prvoj godini poslije operacije,
5. Profesionalna oboljenja gornjeg dijela respiratornog trakta nakon kliničkog liječenja u prvoj godini,

**Kontraindikacije:**

1. Plućno srce sa teškom ventilatornom insuficijencijom,
2. Emfizem pluća u težem obliku,
3. Respiratorne dekompenzacije,
4. Astmatični status i bronhijalna astma težeg stepena,

**Gastrointestinalni sistem****Indikacije:**

1. Grizlica na želucu i dvanaestercu van bolne faze, skorijeg datuma i bez sklonosti ka krvavljenju,
2. Hronični kolitis uz pothranjenost,
3. Stanje poslije operativnog zahvata u prvoj godini poslije operacije,
4. Oboljenje gušterače sa smetnjama u ekskreciji,
5. Oboljenje jetre poslije saniranja akutne faze zarazne žutice,

**Kontraindikacije:**

1. Ciroze jetre i teži oblici jetrine insuficijencije,
2. Bilijarne ciroze,
3. Obstruktivne žutice,
4. Kamenci u žučnim vodovima,
5. Hidrops žučne kese.

**Oboljenja urinarnog trakta****Indikacije:**

1. Hronični recidivirajući pijelonefritis otporan na terapiju bez obstrukcije mokraćnih puteva,
2. Recidivirajuća mikrolitijaza.

**Kontraindikacije:**

1. Kamen u mokraćnoj bešici,
2. Urolitijaza i nefrolitijaza indicirana za operativno liječenje,
3. Sva patološka stanja koja dovode do postrukcije mokraćnih puteva.

**Oboljenja nervnog sistema****Indikacije:**

1. Pareze i paralize centralnog porijekla u prvoj godini nakon pojave oboljenja,
2. Kasne posljedice dječije paralize,
3. Stanja nakon smirenja akutne faze težih oblika upale perifernih živaca,
4. Latentni stadijumi multiple skleroze.

**Kontraindikacije:**

1. Oboljenja CNS sa spastičnim oduzetostima.

**Ginekološka oboljenja****Indikacije:**

1. Hronične upale genitalnih organa,
2. Postoperativna stanja na genitalnim organima sa sklonošću stvaranja priraslica.

**Kontraindikacije:**

1. Miomi,
2. Endometroze,
3. Cistični ovarijski tumori.

**Kožna oboljenja****Indikacije:**

1. Generalizovana psorijaza (u ljetnjem periodu).
- Bolesti metabolizma i endokrinog sistema

**Indikacije:**

1. Hipertireoza konzervativnog i operativnog liječenja,
2. Šećerna bolest lake i srednje forme,
3. Giht i pseudogiht.

**Kontraindikacije:**

1. Teški oblici šećerne bolesti sa komplikacijama.

**Reumatska sistemna i degenerativna oboljenja****Indikacije:**

1. Reumatoidni artritis bez ankiloza,
2. Ankilozirajući spondilitis u početnoj fazi,
3. Sklerodermija u početnom stadiju i druga sistemna oboljenja u smirenoj formi,
4. Reiterova bolest,
5. Stillova bolest u fazi kliničkog smirenja,
6. Degenerativna oboljenja kičme sa dokaznim neurološkim ispadima i mišićnim statusom,
7. Degenerativna oboljenja zglobova, bez bitnog ograničenja pokretljivosti,
8. Vanzglobna reumatska oboljenja (fibrozitisi, miozitis i periarteritisi) koji su doveli do poremećaja funkcije zgloba,
9. Postreumatska stanja lokomotornog aparata,
10. Stanje po kliničkom liječenju i smirenju znakova aktivnosti akutne reumatske bolesti,
11. Psorijatični artritis.

**Kontraindikacije:**

1. Definitivna ankiloza,
2. Pseudoartroza,
3. Sudekova atrofija u akutnoj fazi.

**Hirurška oboljenja****Indikacije:**

1. Kontrakture razne etiologije po završenom kliničkom liječenju,
2. Stanje poslije neurohirurških operacija na kičmenom stubu,
3. Stanje poslije ortopedskih operacija u prvoj godini po operaciji,
4. Rekonvalescenti poslije teških operativnih zahvata u prvoj godini po operaciji.

**Anemije****Indikacije:**

1. Sideropenične anemije.

**Kontraindikacije:**

1. Grizlica na želucu i dvanaestercu,
2. Ulcerozni kolitis i colon irritable,
3. Nefritisi, nefroze, cistopielitisi i pijelonefritisi,
4. Maligne bolesti krvi.

## Samoupravna interesna zajednica zdravstvene zaštite Tuzla

Na osnovu člana 96. Zakona o zdravstvenoj zaštiti («Službeni list SRBiH», broj 18/86), te člana 24. stav 1. tačka 2. Statuta Samoupravne interesne zajednice zdravstvene zaštite Tuzla («Službeni list SRBiH», broj 19/87), Skupština Samoupravne interesne zajednice zdravstvene zaštite Tuzla, na sjednici Vijeća korisnika usluga, održanoj 23. februara 1988. godine, donijela je

### ODLUKU

#### O IZMJENI ODLUKE O UTVRĐIVANJU STOPE DOPRINOSA ZA ZDRAVSTVENU ZAŠTITU RADNIKA U 1988. GODINI

##### Član 1.

U Odluci o utvrđivanju stopa doprinosa za zdravstvenu zaštitu radnika u 1988. godini («Službeni list SRBiH», broj 42/87) u članu 1. broj »9%« zamjenjuje se brojem »8,50%«.

##### Član 2.

Ova odluka stupa na snagu danom donošenja, a primjenjivaće se od 1. januara 1988. godine.

Broj 01-014-1-2/88 Predsjednik  
23. februara 1988. godine Vijeća korisnika usluga,  
Tuzla Osman Mehinović, s. r.

## SUDSKI OGLASI

### OGLASI SUDOVA UDRUŽENOG RADA

#### KOD OSNOVNOG SUDA UDRUŽENOG RADA U DOBOJU UPISANO JE U REGISTAR SAMOUPRAVNIH INTERESNIH ZAJEDNICA

Kod Samoupravne interesne zajednice za stanovanje, komunalne djelatnosti i lokalne puteve Maglaj — Osnovne zajednice Maglaj briše se ranije upisano lice za zastupanje Osnovne zajednice Antunović Marijan, a upisuje se Mujezinović Amira, predsjednik Skupštine osnovne zajednice — neograničeno.

(U/I-34/88-251-s)

Kod Samoupravne interesne zajednice za stanovanje, komunalne djelatnosti i lokalne puteve Maglaj — Osnovne zajednice za stanovanje Maglaj briše se ranije upisano lice za zastupanje Pejić Mirko, a upisuje se Ljubović Bakir, predsjednik Skupštine Osnovne zajednice za stanovanje ovlašten za zastupanje — neograničeno.

(U/I-35/88-250-s)

Kod Samoupravne interesne zajednice stambeno-komunalnih djelatnosti Doboj — Osnovne zajednice stanovanja i uređenja građevinskog zemljišta Doboj upisuje se dopuna djelatnosti Osnovne zajednice sa: organizuje izgradnju poslovnog prostora i garaža iz sredstava udruženih za te namjene, realizuje Program uređenja građevinskog zemljišta i upravlja udruže-

nim sredstvima, stambenim zgradama i stanovima u društvenoj svojini i poslovnim prostorom i garažama koji su udruženi u Osnovnu zajednicu.

(U/I-59/88-249-s)

#### KOD OSNOVNOG SUDA UDRUŽENOG RADA U SARAJEVU UPISANO JE U REGISTAR SAMOUPRAVNIH INTERESNIH ZAJEDNICA

Kod Samoupravne interesne zajednice vodoprivrede Bosne i Hercegovine — Osnovne zajednice vodoprivrede »Gornja Bosna« Sarajevo — Ilidža, brišu se upisana lica za zastupanje: Švajger Anto, Mušić Muhamed i Dreca Alija i za potpisivanje: Jurić Slavko, Jusufbegović Fatima i Kordić Petar, a upisuju se za zastupanje: Delibašić Rešad, predsjednik Skupštine, bez ograničenja, i Rudić Milivoje, zamjenik predsjednika Skupštine, bez ograničenja.

(U/I-172/88-239-s)

Kod Samoupravne interesne zajednice željezničkog saobraćaja Bosne i Hercegovine, Sarajevo, Om-ladinska ulica broj 2, prestaje ovlaštenje za zastupanje Zajednice Balorda Maksimu, a ovlašćuje se novi sekretar Zajednice Bajić Mato, bez ograničenja.

(U/I-96/88-211-s)

#### KOD OSNOVNOG SUDA UDRUŽENOG RADA U TUZLI UPISANO JE U REGISTAR SAMOUPRAVNIH INTERESNIH ZAJEDNICA

Kod Samoupravne interesne zajednice zdravstvene zaštite Tuzla — Osnovne zajednice zdravstvene zaštite Srebrenica briše se Nikola Filipović, rukovodilac Radne jedinice Osnovne zajednice zdravstvene zaštite Srebrenica, a upisuje se Halilović Jakub, sekretar Osnovne zajednice zdravstvene zaštite Srebrenica, bez ograničenja.

(U/I-95/88-223-s)

#### KOD OSNOVNOG SUDA UDRUŽENOG RADA U BANJALUCI UPISANO JE U REGISTAR RADNIH ORGANIZACIJA

Kod OOUR-a OŠ »Nemanja Vlatković« Šipovo prestaje ovlaštenje za zastupanje i briše se iz sudskog registra dosadašnje lice Bojić Vladislav, a lice ovlašteno za zastupanje je Bubnjević Ili, čija su ovlaštenja bez ograničenja.

(U/I-702/87-151/36-s)

Kod OOUR-a »Opšta bolnica«, n.sol.o. Prijedor prestaje ovlaštenje za zastupanje i briše se iz sudskog registra dosadašnje lice Bahtijaragić dr Arif, a lice ovlašteno za zastupanje je Dukić dr Živko, direktor OOUR-a, čija ovlaštenja su bez ograničenja.

(U/I-710/87-151/37-s)

Kod OOUR-a Metalska škola Banja Luka lice ovlašteno za zastupanje je Zrno Anto, v.d. direktora OOUR-a, koji može da zaključuje ugovore čija vrijednost ne prelazi 500.000 dinara, a preko ovog iznosa samo na osnovu odluke Savjeta Škole i pod uslovima koje ta odluka sadrži, a na osnovu člana 8. Statuta OOUR-a. Prestaje ovlaštenje dosadašnjem direktoru Vladi Čosiću.

(U/I-711/87-151/38-s)

Upisuje se u sudski registar zabilježba preduzimanja privremenih mjera društvene zaštite samoupravnih prava i društvene svojine prema Osnovnoj organizaciji udruženog rada Kliničko bolnički centar, n.s.o.o. Banja Luka u sastavu RO Kliničko medicinski centar Banja Luka, a zbog bitno poremećenih samoupravnih odnosa i teže oštećenih društvenih interesa. Prema OOUR-a Kliničko bolnički centar Banja Luka preduzimaju se slijedeće privremene mjere društvene zaštite: smjenjuje se inokosni poslovodni organ; smjenjuje se sa dužnosti pomoćnici direktora za medicinska pitanja, za ekonomske i za pravne poslove i načelnici klinika, zavoda i službi; raspušta se Radnički savjet i njegovi organi; imenuje se privremeni organ, u sastavu: Rodić dr Željko, predsjednik; Balvanović dr Draško, član; Gušić dr Mirza, član; Gavranović Slobodan, član, dipl. pravnik; Pičvašević Vladan, dipl. ecc, član. Privremeni organ preuzima sve izvršne i poslovne funkcije OOUR-a, te sva prava i dužnosti raspuštenih organa. Privremene mjere društvene zaštite iz člana 2. ove odluke trajuće 12 mjeseci, s tim da njihova primjena može prestati i prije isteka ovog roka, ako prestanu razlozi zbog kojih su preduzete. Inicijativu za raniji prestanak pojedinih ili svih privremenih mjera društvene zaštite mogu dati zakonom ovlašteni organi, ali najranije nakon šest mjeseci od preduzimanja tih mjera.

(U/I-724/87-151/39-s)

Kod Mašinskog fakulteta p. v. Banja Luka prestaje ovlaštenje za zastupanje i briše se iz sudskog registra dosadašnje lice Mrda dr Jovo, a lice ovlašteno za zastupanje je Đuričković dr Veljko, inokosni poslovodni organ, dekan fakulteta, čija su ovlaštenja bez ograničenja.

(U/I-737-87-151/40-s)

Kod Centar za obrazovanje i vaspitanje i rehabilitaciju slušanja i govora, p.o. Banja Luka prestaje ovlaštenje za zastupanje i briše se iz sudskog registra dosadašnje lice Čelović Nenad, a lice ovlašteno za zastupanje je Huskić Esad, direktor, čija su ovlaštenja bez ograničenja.

(U/I-740/87-151/41-s)

Kod Dječiji dom »Rada Vranješević«, p. o. Banja Luka Filipa Macure bb, Banja Luka prestaje ovlaštenje za zastupanje i briše se iz sudskog registra dosadašnje lice Milanović Bosiljka, a lice ovlašteno za zastupanje je Ponjarac Danilo, direktor RO, raspolaže sredstvima Radne organizacije do iznosa od 5.000 dinara, a preko ovog iznosa odluku donosi Radnički savjet Radne organizacije (član 20. Statuta).

(U/I-742/87-151/42-s)

Kod OOUR-a OŠ »Zmaj Jovan Jovanović« Banja Luka prestaje ovlaštenje za zastupanje i briše se iz sudskog registra dosadašnje lice Adamović Olgica, a lice ovlašteno za zastupanje je Savić Jovan, direktor škole, čija su ovlaštenja sa ograničenjem do 5.000 dinara, a preko ovog iznosa odluku donosi Savjet škole.

(U/I-758/87-151/43-s)

Risojević, direktor Biblioteke, čije je ovlaštenje ograničeno do iznosa do 30.000 dinara, a preko tog iznosa uz saglasnost Radničkog savjeta Biblioteke.

(U/I-760/87-151/41-s)

### KOD OSNOVNOG SUDA UDRUŽENOG RADA U DOBOJU UPISANO JE U REGISTAR RADNIH ORGANIZACIJA

Kod Centra za socijalni rad Doboj briše se iz sudskog registra ranije upisano lice za zastupanje Rajić Predrag, a upisuje se Paleksić Luka, vršilac dužnosti direktora, ovlašten za zastupanje Centra, bez ograničenja.

(U/I-352/87-254/1-s)

Kod Centra za kulturu, obrazovanje i informisanje Teslić briše se ranije upisano lice za zastupanje Iriškić Abdurahman, a upisuje se Špirić Goran, direktor, ovlašten za zastupanje, bez ograničenja.

(U/I-355/87-254/2-s)

Kod Zavoda za unaprednje vaspitno-obrazovnog rada Doboj briše se ranije upisano lice za zastupanje Petranović Aleksandar, a upisuje se Toamc Dragutin, direktor, ovlašten za zastupanje, neograničeno.

(U/I-48/88-254/3-s)

Kod RO Školski centar »Đuro Pucar-Stari« Modriča, OOUR Mašinsko-tehnička škola, Omladinska 41, upisuje se Čošković Anto u svojstvu direktora kao lice ovlašćeno za zastupanje OOUR-a sa ovlaštenjem da zaključuje ugovore do 1.000 bodova — 200.000 dinara, a preko toga iznosa uz saglasnost Radničkog savjeta i Zbora OOUR-a, te da OOUR-a predstavlja i potpisuje.

(U/I-18/88-254-s)

Kod Radne organizacije Školski centar »Đuro Pucar-Stari« Omladinska 41 Modriča, upisuje se Popović Milenko u svojstvu direktora, kao lice ovlašćeno za zastupanje Radne organizacije sa ovlaštenjem da zaključuje ugovore do iznosa od 1.000 bodova — 200.000 dinara, a preko toga iznosa uz saglasnost Radničkog savjeta Radne organizacije.

(U/I-19/88-253-s)

Kod Radne organizacije Školski centar »Đuro Pucar-Stari« Omladinska 41 Modriča, OOUR-a Prosvjetno-tehnološka škola upisuje se Sarvan Midhat u svojstvu direktora kao lice ovlašćeno za zastupanje OOUR-a sa ovlaštenjem da zaključuje ugovore do iznosa od 1.000 bodova — 200.000 dinara, a preko toga iznosa uz saglasnost Radničkog savjeta i Zbora radnika OOUR-a, te da OOUR-a predstavlja i potpisuje.

(U/I-17/88-252-s)

Kod Radne organizacije osnovnog obrazovanja i vaspitanja Doboj OOUR-a OŠ »Narodni heroji« Doboj briše se ranije upisano lice za zastupanje Slavuljica Anda, a upisuje se Filipović Milenko, direktor, ovlašten za zastupanje sa ograničenjem uz prethodnu saglasnost Savjeta škole.

(U/I-74/88-248-s)

Kod Narodne i univerzitetske biblioteke »Petar Kočić« Banjaluka, Moše Pijade 12a, prestaje ovlaštenje za zastupanje i briše se iz sudskog registra dosadašnje lice Fuad Balić, a lice ovlašteno za zastupanje je Ranko

Kod RO osnovnog obrazovanja i vaspitanja Doboj, Osnovne organizacije udruženog rada Osnovna škola »Moša Pijade« Podnovlje briše se ranije upisano lice za zastupanje Lašić Milovan, a upisuje se Sto-

jić Novica, direktor, ovlašten za zastupanje OOUR-a ograničeno uz prethodnu saglasnost Savjeta Škole.  
(U/I-75/88-247-s)

Kod RO Medicinski centar »23. avgust« Doboj, OOUR-a Dom zdravlja »Dr Ljudevit Jurinac« Teslić briše se ranije upisano lice za zastupanje OOUR-a Dom zdravlja »Dr Ljudevit Jurinac« Teslić Janković dr Velimir, a upisuje se Mujanović Ferid, vršilac duž-

nosti direktora, ovlašten za zastupanje bez ograničenja.  
(U/I-312/87-247/1-s)

Kod Radne organizacije Srednjoškolski centar »25. maj« Maglaj, Ul. Aleja narodnih heroja bb, briše se ranije upisano lice za zastupanje Blagojević Rajko, vršilac dužnosti direktora, a upisuje se Strajko Simić, vršilac dužnosti direktora, neograničeno.  
(U/I-350/87-247/2-s)

## SADRŽAJ:

69 Zakon o nostrifikaciji i ekvivalenciji inostranih školskih svjedočanstava (Prečišćeni tekst) 249

70 Uredba o izmjenama Uredbe o naknadama ličnog dohotka i drugim novčanim naknadama licima pozvanim radi vršenja službe u opštenarodnoj odbrani 251

71 Odluka o kriterijima za odobravanje kredita iz novčanih sredstava depozita društveno-političkih zajednica za finansijsku konsolidaciju organizacija udruženog rada i banaka i održavanje tekuće likvidnosti banaka 251

72 Odluka o korištenju sredstava namijenjenih za unapređenje poljoprivrede u 1988. godini 252

73 Izvodi izmjena iz odluka skupština opština i skupština samoupravnih interesnih zajednica o stopama poreza i doprinosa iz ličnog dohotka iz radnog odnosa po opštinama 253

### SAMOUPRAVNA INTERESNA ZAJEDNICA ZDRAVSTVENE ZAŠTITE BIH

Samoupravni sporazum o osnovici, visini, načinu obračuna i rokovima uplate sredstava doprinosa za zdravstvenu zaštitu privremeno nezaposlenih lica 253

### SAMOUPRAVNA INTERESNA ZAJEDNICA PENZIJSKOG I INVALIDSKOG OSIGURANJA BiH

Zaključak o usklađivanju novčanih naknada osiguranika sa preostalom radnom sposobnošću sa kretanjem ličnih dohodaka u 1987. godini 254

Zaključak o usklađivanju penzija i novčanih naknada osiguranika sa preostalom radnom sposobnošću po osnovu kretanja ličnih dohodaka u 1988. godini 254

Zaključak o usklađivanju penzija sa kretanjem nominalnih ličnih dohodaka u 1987. godini 255

### SAMOUPRAVNA INTERESNA ZAJEDNICA ZDRAVSTVENE ZAŠTITE BANJA LUKA

Odluka o izmjenama Odluke o osnovicama i stopama doprinosa za zdravstvenu zaštitu za 1988. godinu 255

### SAMOUPRAVNA INTERESNA ZAJEDNICA ZDRAVSTVENE ZAŠTITE BIHAĆ

Odluka o stopama doprinosa za zdravstvenu zaštitu radnika za 1988. godinu 256

Odluka o stopama doprinosa za zdravstvenu zaštitu zemljoradnika za 1988. godinu 259

### SAMOUPRAVNA INTERESNA ZAJEDNICA ZDRAVSTVENE ZAŠTITE BOSANSKI BROD

Odluka o izmjenama Odluke o doprinosima za zdravstvenu zaštitu 260

Pravilnik o ostvarivanju zdravstvene zaštite 260

### SAMOUPRAVNA INTERESNA ZAJEDNICA ZDRAVSTVENE ZAŠTITE KONJIC

Odluka o stopama doprinosa za zdravstvenu zaštitu zemljoradnika u 1988. godini 269

### SAMOUPRAVNA INTERESNA ZAJEDNICA ZDRAVSTVENE ZAŠTITE SARAJEVO

Odluka o uslovima i načinu ostvarivanja prava na liječenje i rehabilitaciju u institutima, zavodima, centrima i bolnicama specijalizovanim za sprovođenje kompletne fizioterapije — rehabilitacije uz primjenu savremenih medicinskih dostignuća i uz primjenu prirodnog faktora 270

### SAMOUPRAVNA INTERESNA ZAJEDNICA ZDRAVSTVENE ZAŠTITE TUZLA

Odluka o izmjeni Odluke o utvrđivanju stope doprinosa za zdravstvenu zaštitu radnika u 1988. godini 273

Izašla je iz štampe knjiga

**KRIVIČNI ZAKON SRBIH  
sa pregledom sudske prakse**

**Priredio: Smail Sokolović**

Cijena 12.500 dinara

Narudžbe slati na adresu izdavača: Službeni list  
SRBIH, Sarajevo, Ul. Magribija 3. Tel. 33-840.

**ISPORUKA ODMAH!**